





70-183

700-6-1-4

مجلس

ضیا کواکب آلپ

تورکاشمک
اسلاملاشمق
معاصرلاشمق



استانبول

ناشری : یکی مجموعہ ۹۰

۱۹۱۸

توركلشمك ، اسلاملاشمق ، معاصرلاشمق

— ۱ —

اوج جريان

مملكتتمزده اوج فكر جرياني وارددر . بوجريانلرك تاريخي تدقيق اولونورسه كورولوركه متفكرلرمن ابتدا (معاصرلاشمق) لزومني حس ايتملردير . اوچنچي سلطان سليم دورنده باشلايان بوتمايه انقلابدن صوكرا (اسلاملاشمق) امللي التحاق ايتدي ، صوك زمانلرده اورتهيه برده (توركلشمك) جرياني چيقدی .

(معاصرلاشمق modernisation) فكري متفكرلرجه اصلي بر عقیده حكمنده اولديني ايجون معين برناشره مالك دكلدر . هر مجموعه ، هر غزته بوفكر ك آز جوق مدافعيدر .

(اسلاملاشمق) فكرينك مروجي (صراط مستقيم - سبيل الرشاد) ، (توركلشمك) فكرينك مروجي (تورك يوردي) مجموعه ليردر . دقت اولونجه بواوج جريانك ده حقيقي احتياجلردن دوغمش اولديني كورولور .

(تارد) مليت فكرينك غزته ايله باشلاديني ادعا وشو صورتله ايضاح ايدويور: غزته ، عيني لسانله قونوشان انسانلري (عامه Publique) حالده طوبلايه رق اونلره مشترك بروجدان ويرر . غزته ، شعورسز و اراده سز اوله رق ياپديني بو تاثيردن ماعدا ، صرف رواجي تايمين مقصديله ، قارئلرينك افتخار و حميت حسلريني اوقشاميه ، نتيجه اولارق ملي عنعنلري ، ملي مفخرتلري خاطر لاته جق سوزلري يازمه به مجبوردير .

ملیت حسی ، بر قومده او یاندقدن صوکر ا مجاور قوملرده قولایجه سرایت ایدر . چونکه ملیت دویغوسی اویانیر اویانماز صاحبزنده تعاون ، فداکارلق ، مجاهده حسلرینی آرتیرارق اخلاقی ، لسانی ، ادبی ، اقتصادی و سیاسی تعالیرله سبب اولور . بو حاله غبطه ایدن قومشو قوملرده دخی - خلق دیلنده یازان غزتهلرده موجود سه - ملیت فکرینک در حال انتشار ایتمهسی غایت طبیعی بر حادنه اولور .

ملیت مفکوره (*Idéal*) سی ابتدا غیر مسلملرده ، صوکر آرانوود و عربلرده ، اک نهایت تورکلرده ظهور ایتدی . تورکلرک اک صوکه قالمهسی سببسز دکلدر : عثمانلی دولتنی تورکلر تشکیل ایتشلردی . دولت (واقع بر ملت *nation de fait*) ؛ ملیت مفکوردهسی ایسه (ارادی بر ملت *Nation de volonté*) ک جرثومهسی دیمکدر .

تورکلر ، ایلکین (حدسی *Intuitif*) بر احتیاطه تابع اولارق ، بر مفکوره ایچون بر موجودهیی تهلکیه دوشورمکدن چکینمشلردی . بونک ایچون تورک متفکرلری (تورکلک یوق ، عثمانلیلق وار .) دییورلردی .

(معاصر لاشمق) جریاننه تابع اولانلر تنظیمات فکرلرینی یایدقلمی صیراده مختلف عنصرلردن و مذهبلردن مرکب اولان واقع بر ملتدن ارادی بر ملت یایمق ممکن اولدیغنه فافع اولمشلر ، بو قناعتله تاریخی بر معنای حائر قدیم (عثمانلی) تعیری رینه ، ملی رنکلردن تمامیه عاری اولمق اوزره ، یکی بر معنا یایشدیرمشلردی . اَلیم تجربه لر کوستردی که (عثمانلی) تعیرنده کی یکی معنای تنظیماتی تورکلردن باشقه قبول ایدن یوقدی . بویکی معنایک اختراعی یالکتر فائدهسز اولمقله قالمیوردی ؛ دولت ایله عنصر لروبالخاصه تورکلر حقند - غایت مضر نتیجه لر ویریوردی . دنیانک شرقی ده ، غربی ده بزه جلی بر صورتده کوستریبورکه بو عصر (ملیت) عصریدر ؛ بو عصرک وجدانلری اوزرنده اک مؤثرقوت

ملت مفكوره سيدر . اجتماعى وجدانلرك اداره سى ايله مكلف اولان
 بردولت ، بومهم اجتماعى عاملى موجود دكل فرض ايدرسه وظيفه سنى
 ايفسا ايدمه . دولت آداملرنده ، فرقه روجلرنده بو حس موجود
 اولمازسه ، عثمانلىنى تركيب ايدن جماعت وقوملرى (روحي psychologique)
 بر صورتده اداره ايتك قابل اوله ماز . درت سنه لك بر تجربه بزمه كوستردى :
 صرف عنصرلرك ائتلافى مقصديله (بن تورك دكل ، عثمانلى يم .) دين
 توركلر ، عنصرلرك نه يولده بر ائتلافه موافقت ايدمه بيله جكلرىنى نهايت غايت
 آجى بر صورتده آكلاديلر . ملت حسنك حاكم اولدينى بر مملكتنى آنجق
 ملت ذوقنى نفسنده دويانلر اداره ايدمه بيليرلر .

توركلرك ملت مفكوره سندن اجتماعى دولت ايجون مضر وعنصرلر
 ايجون مزعج اولدينى كېي توركلركك خصوصى موجوديتى ايجون ده
 مهلكدى . توركلر ملتى ، واقع بر ملت اولان دولت ايله بر معاده
 تلقى ايتدكلرى ايجون اجتماعى واقتصادى موجوديتلرينك تردى
 ايتكده اولديغى بيلميورلردى . اقتصادى واجتماعى حاكميتلر باشقه
 عنصرلره كچديكى صروده تورك ، برشى غيب ايتديكنى آكلاياموردى ؛
 چونكه اونك نظرنده يالكىز عثمانلى ملتىنى تركيب ايدن صنفلر واردى .
 كنديسنك بعضى صنفلردن - ولو كه بو صنفلر زمانمزده اك اهميتلى
 طبقه لرى تشكيل ايتسين - چيقاريلاسنه هيچ اهميت ورميوردى .
 مملكتده اقتصادى وفنى صنفلرك وجودىنى كافى كوره رك كنديسنك
 بونلردن خارج قالماسنده بر باس كورده ميوردى . ايشته بو -
 كيديشله آنادولوده بيله خلق ، ياخود اهالى صنورنده بر توركلرك
 قالمادى ؛ توركلر مأمور ورنجبر صنفلرينه انحصار ايتديلر . مأمورلرده
 بر نوع ذهنى رنجبرلر ديمك اولدينى ايجون توركلرك - اجتماعى معناسيله -
 رنجبرلك ديمك اولدى .

چيفتجى وچوبان ، حياتك ياراتجى قوتندن استفاده ايله ياشادقلرى
 ايجون بالذات ياراتجى عامل دكلدرلر : قويونلر حياتك داخلى ناميه

سیله چوغالیر ، اکیلر تخملمرك مكنوز فیضتلیله تنبت ایدر . مأمورلرك ایسه استحصالله هیچ علاقهلری یوقدر . حالبوکه ذهنی ملکهلرك ، اراده وسجیه نك انكشاف وتكاملی صنایع ، اعمالات کبی فعال مشغله لرله ، تجارت وسربست مسلکلی کبی اقتراحی حرفتله حصوله کایر . بوندن دولاییدرکه کویلو ومأمور صنفلیله انحصار ایدن بر قومدن تشکیلات یایمق اقتداری مناسب اولور . حکومت اداره سنده کی بحریکسزلکمز ، بالقان مغلوبیتلرینه بادی اولان سوق الجیش ووازم خصوصلرنده کی اقتدارسزلغمز بوسیدن نشأت ایتشدی .

مملکت مزده قوتلی بر حکومت تأسس ایدمه مسی ، تورکلرك اقتصادی صنفلردن محرومیتی یوزندن در . هانکی ملتده حکومت ، اقتصادی صنفلره استناد ایدره اوراده حکومت غایت قوتلی اولور ؛ چونکه تجار ، صنعتکار ، ایش آدمی صرف کندی فائده سی ایچون حکومت قوتلی اولماسنی ایستر . هانکی مملکتده حکومت ، مأمورلر صنفه استناد ایدره اوراده حکومت دائماً ضعیفدر ؛ چونکه معزول مأمورلر ایش باشه کچمک ، منصوب مأمورلر داها یوکسک بر موقعه یوکسلمک ایچون دائماً موجود حکومتی دوشورمکه چالیشیرلر . ملی مفکوردن محرومیت تورکلری ملی اقتصادیاتدن محروم ایتدیکی کبی لسانک ساده لشمه سنه ، کوزمل صنعتلرده ملی اسلوبلرك تگون ایتسنده مانع اولدی . بونلردن باشقه ، ملی بر مفکوره اولمادی ایچون شیمدی یه قدر تورک اخلاقی ده فردی وعائلوی برشکلده قالدی ، تساند ، حیت وفداکارلق حسلی عائله ، کوی وقصه محیطلرینی آشامادی . . امت مفکوره سی چوق واسع ، عائله مفکوره سی چوق دار اولدینی ایچون تورک روحی فداکارلق وفراغت حسلیله استنادکاه اولاجق ذی حیات وشدید اخلاقی بر روحیه بابانچی قالدی . اقتصادی ، دینی و سیاسی مؤسسه لر مزک انحلالی بونک نتیجه لریدر .

توركلك جريانى عثمانليفلك معارضى اولمق شويله دورسون، حقيقتده
اك قوتلى مؤيديدر. يالكز هريكي جريانىك اولدينى كي بومسللكده بر
قسم كنجلردن مركب مفرطلى وادردكه ياكلش تفسير لره سباب اولويورلر.
توركلك (قوزموبوليتك) ه قارشى اسلاميت و عثمانليفلك حقيقى
استناد كاهيدر .

(تارد) بين المليت حسنكده (كتاب) دن تولد ايتديكنى سويليور.
غزته ، خلقك حسياتنه خطاب ايتديكى ايچون تكلم لسانك جانلى
لقتلرني استعمال ايدر. كتاب ، عالمرك ومتعلمرك تجريدجى مفكره لرينه
خطاب ايدر ، بونك ايچون لغتلردن زياده اصطلاحلره محتاجدر .
اصطلاحلرك خلق لسانده كي لغتلردن ياپيلمामه سى عمومى برقاعدهدر؛
چونكه لغتلر طبعى و ذى حيات موجودلردر ، اصطلاحلره صنعى
وجانسز موجوديتلردر. خلق لسانك طبعى كلهلرى ذى حيات وحسى
معنلره مالك اولدينى ايچون مصنوع و مجرد معنلرى قبول ايده مز .
بوندن دولاييدر كه هر قوم اصطلاحلرينى دينى كتابنك يازيلش اولدينى
لساندن آيلر .

آوروپا ملتلى انجيل شريفى يونان لسانده محرر اولارق بولمقلى
ايچون علم اصطلاحلرينى يونانجه دن آلمشلردى . بالاخره خريستيانلق
نقطه سندن لاتين لسانى يونانجه يه معاونت ايتديكى ايچون جرمن واسلاو
ملتلىنه لاتينجه دن ده برجوق اصطلاحلر كچدى .

اسلام قوملى اصطلاحلرينى عربجه دن ، قسما ده فارسيدن آلديلر.
بوكون بيله عصر ك بوتون علملرينى لسانمزه نقل ايدر كن يونانجه
ولاتينجه اصطلاحلر يرينه عربجه وعجمجه اصطلاحلر تصنيع ايدسيورز.
برملتده ابتدا دين كتابلرى يازيلير ؛ صوكر ااخلاق ، حقوق ،
ادبيات ، علم ، فلسفه كي معرفت شعبه لرى ديندن تشعبله تشكل ايتدكه
بونلره عائد كتابلرده يازيلغه باشلار . او حالده غزته خلقك اجتماعى

و محلی حسیاتی بومی وحشی رنگرله ملون اولارق تصویر ایتدیکی
ایچون ناصل (ملت) مفکوره سی دوغوریورسه (کتاب) ده دینک
ودیندن مشتق اولان سائر معرفت و علملرک یعنی مدنیتک عمده، قاعده
و دستورلرینی مجرد و قطعی بر اسلوبه یازهرق ملترک آراسنده مشترک
اولان حیاتی، یعنی (بین المللیت) روحنی ابداع ایدر.

ایلک وقتلرده بین المللیت حسی بوتون انسانلره شامل ظن ایتمک دوغرو
دکلدر. مثلاً قرون وسطاده آوروپاده برین المللیت حسی موجوددی؛
فقط بودویغونی تحلیل ایدرسه ک، آوروپاده کی بین الملل شفقت و مظاهرتک
خرستیان ملتره منجر اولدیغنی، بین الملل حقوقک ده خرستیان دولترک
امتیازلری حکمنده بولوندیغنی کورورز. بالقان محاربه سی آوروپا
وجداننک بوکون بیله خرستیان وجدانندن باشقه برشی اولمادیغنی
کوستردی. تورکلرک ده وجدانلری تحلیل اولونورسه کورولورکه
برتورک، قیزی برعربه، برآناووده، برکرده، برچرکسه تزویج
ایده بیلیر، فقط قطعاً بر فینلانیدیالییه، بر خرستیان مجاره تزویج ایده مز،
بر بودیست Boudhiste مغولک، برشامانی طونغوزک قیزی ده اسلام
یا بجه دن آلاماز. طرابلس غرب، بالقان محاربه لری انساننده تورکلرک
فلاکتته اشتراک ایدنلر مجارلر، مغوللر، مانچولر اولمادی؛ بالعکس
چینک، هندک، جاونانک، سودانک اسمنی بیلمدیکمز مسلم قوملری
ماتمزده اورناق اولدیلر؛ معنوی یاردیملرینی اسیرکه مدیلر. بوندن
دولاییدرکه تورکلر لسانجه (اورال و آلتای) شعبه سنه منسوب اولقله
برابر کندیلرینی اسلام ملترلندن عد ایدرلر.

(بشریات Anthropologie) ده کوره عینی تشریحی انموذجه
منسوب فردلر بر هر قسه، (اجتماعیات Sociologie) ده کورده ده
بر مدینته منسوب ملتر برین المللیت در. تورک لسانی ده، تورک قومی
کی، اسلام مدینته کیرد کدن صوکر ا حروف و اصطلاحه اسلامی بر شکل

آلدى. اوحالده بين المليت روحنى ابداع ايدن عامل (كتاب) ودولا ييسيله (مدنيت) در. بناءً عليه توركلكله اسلاملق ، برى (مليت) ديكرى (بين المليت) ماهيتلرنده اولدقلىرى ايچون آرالرنده اصلا تعارض يوقدر. تورك متفكرلىرى ، توركلكى انكار ايدرك بين الاديان برعثمانلىق تصور ايتدقلىرى زمان اسلاملاسمق احتياجنى دويمورلردى ؛ حال بوكه توركلشمك مفكورهسى دوغار دوغماز اسلاملاشمق احتياجى ده حس ايدلمكه باشلادى .

مع مافيه ، (مليت) غزته دن و (بين المليت) كتابدن تولد ايتديكى كې (عصريت Modernisme) ده (آلت Outil) دن تكون ايدر. برزمانك معاصرلىرى ، اوزمانده (فن thecnique) خصوصنده اك مترقى اولان ملتلك يابدقلىرى وقوللاندقلىرى بوتون آلتلىرى اعمال واستعمال ايدمىانلردر . بوكون بزم ايچون معاصرلاشمق ديمك ، آوروپاليلر كې دريدناووتلر ، اوتوموبيللر ، طيارده لر ياپوب قوللانايلمك ديمكدرك ؛ معاصرلاشمق ، شكلجه ومعيشتجه آوروپاليلر بكمزدمك دكلدر. نازمان معلومات ومصنوعات اقتباس واستراسى ايچون آوروپاليلر احتياجدن مستغنى اولديغمىزى كورورسهك ، اوزمان معاصرلاشمش اولديغمىزى آكلارز .

توركلشمك ، اسلاملاشمق مفكورلىرى آراسنده برتعارض اولمادىنى كې بونلرله معاصرلاشمق احتياجى آراسنده برتنازع موجود دكلدر. عصريت احتياجى بزم آوروپان يالكىز علمى وعملى آلتلرله فلرك اقتباسى امر ايدىيور. آروپاده دىندن ومليتدن دوغان ، بناءً عليه بزمده بومىبلردن تحريسى لازم كلن برطاقم معنى احتياجلرمز واردركه ، آلتروفلر كې ، بونلرله غربدن استعارهسى اقتضا ايتمز .

اوحالده هر برينك نفوذ دائره لىنى تعين ايدرك بواوچ غايه نك اوچىده قبول ايتملىز ؛ ده دوغرىسى ، بونلرك ، بر احتياجك اوچ

مختلف نقطه دن کورولش صفحه لری اولدیغی آکلایارق (معاصر بر اسلام تورکلکی) ابداع ایتمه لی یز .

مع مافیه ، برمدتن بری عصری آلتلره فلرک انکشافدن دوغان عصری مدنیت مثبت علملره مستندیکی بر (بین المللیت) حصوله کتیرمکده در . کیتدکجه ، دینه مسند اولان بین المللیت لرینه علمه مستند حقیقی بر بین المللیت قائم اولمقده در . بر طرفدن ژاپونیا نك ، دیگر جهتن تورکیانك آوروپا ملتلی آراسنه کیرمه سی آوروپا بین المللیته ایلریده کوستردجکمز وجهله (لادیغی) بر ماهیت ویردیکندن ، کیتدکجه بین المللیت دائرہ سیله (امت) دائرہ سی ده بری برندن آیریلقدده در . یعنی بوکون تورک ملتی اورال - آلتای عائله سنه ، اسلام امته ، آوروپا بین المللیته منسوب بر جمعیتدن عبارتدر .



— ۲ — اسان

جسمک طولی ، عرضی ، عمقی اولدیغی کچی اجتماعی وجدانك ده اوج بعدی وار : ملتجیلک ، امتجیلک ، عصرجیلک . بوقضیه نك نه درجه دوغرو اولدیغی ابتدا اجتماعی وجدانك انعکاس آینه لرندن بری اولان لسانده آرایدجغم .

دیلز الی آلتش سنه دن بری کیشله مک یولنی طوتمشدر . عصرک شعاعلری اولکهمزه نفوذ ایتدکجه کوزمز یکی مصنوعلر ، ذهنمز یکی مفهوملر کورمکده دوام ایدیور . بونلر اسم سز قاله میه جنی ایچون هرکون برچوق یکی کله لرله لسانمز زنکینلشیور . عصرک ممثلی اولان ملتک غزت لرندن ، کتابلرندن ترجمه لر یاپیورز . بوضورتده صرفا - نمزده موجود اولمایان برچوق یکی مضالر ناطقه مزدن یکی لفظلرک ابداعنی ایستیور .

لسانمز، مترقی دیلرله قارشیلشدیجه عادتاً کله بکلمه اونلرک
تقلیدینی یاییور. بعضاً (خرده بین microscope)، (دورین telescope)،
(شکار chef d'oeuvre)، (مفکوره idéal) کله لرنده اولدینی کی
لفظی (استساخ calque) لر یاییور. بعض کرده (طیاره aéroplan)
(تکامل évolution) (مشروطیت constitution) (بدیعیات esthétique)
تعییرلرنده اولدینی کی معنوی استساخلر حصوله کتیریور.

لسانمزک بوفعلی تمایلی بزه شونی کوستریور:
برزمان کله جک که تورکجه من، فرانسز، انگلیز، آلمان لسانلرنده کی
بوتون کله لرک مقابلرینه مالک اوله جقدر.

لفظی کلام، نفسی کلامک افاده سی اولدیغنه کوره عصرک مفهو.
ملردن مرکب معنوی برلسانی واردرکه هر دیل اوکا انطباق ایتمک
مجبوریتنددر. اوحالده تورکجه نه زمان بواحتیاجی تطمین ایدرسه
او وقت معاصر لاشمش، عصریت جهننده کی اتساعنی اکال ایتمش
صایله بیلیر.

لسانمزه کیرن یکی کله لر اوچ نوعدر: (۱) اجنبی کله لر (۲)
عربیجه وعجمجه دن ابداع یاخود ترویج اولونان کله لر (۳) تورکجه
ابداع یاخود ترویج اولونان کله لر.

برنجی نوع کله لر لسانمزده قاجاق صورتیله کیریور. لسانی سلیقه من
بوکله لری لساندن طرد ایددرک برلرینه (اصطلاح) سه لر عربیه
یاخود فارسیدن، (لغت) سه لر تورکجه دن مقابللر بولیور.

اصطلاحلرک مقابللرینی عربی یاخود فارسیدن یاهورق اجنبی کله لری
قبول ایتمه مک خاصه سی تورکجه یه منحصر دکدر. بوتون اسلام لسانلری
بوخصیصه ده مشترکدر. دینی تعییرلرده ودیندن اشتقاق ایدن سائر
علملره مخصوص اصطلاحلرده اساساً متحد اولان بولسانلر بووحدتی
یکی اصطلاحلرده ده محافظه ایتمک مجبوریتنددر. چونکه، مثلاً روسیه ده کی

تورکالر اصطلاحلرینی روسجه دن ، چنده کی تورکالر چينجه دن ، بز فرانسزجه دن آله جق اولورسوق ، تورکجه لرمن بری برندن اوزاقلاشیر حال بوکه عربجه وعجمجه دن ياخود تورکجه دن آلیرسوق ، بالعکس یکدیگرینه یاقینلاشیر . خرستیان امتک اصطلاحلری یونانجه ولاتینجه دن آلمشدر . اسلام لسانلری بو اصطلاحلری عیناً استعاره ایتمکله عینی زمانده کندی امتلکینی غائب ایتمکدن ده قورقیور .

مع مافیه اسلام لسانلری اصطلاحلرینی عربی یاخود فارسیدن آلمقله امت وحدتنه عائد وظیفه لرینی ایفایتمش اولماز . بو اصطلاحلر هر لسانده باشقه جذرلردن تشکیل اولونورسه مطلوب اولان وحدت حاصل اولمایه جنی ایچون لسانک امتجیلکی اکسیک قالیر . بوندن طولایی درکه دیگر اسلام لسانلرینک قبول ایتمش اولدینی یاخود قبول ایده بیله جکی تعییرلری آریوب بولق صورتیله اصطلاح وضع ایتمه من لازم کلیر . بومقصدی تأمین ایچون اسلام امتنه منسوب هر لسانده اصطلاح وضعیله مشغول جمعیتلر تشکل ایتملی ، بوجمعیتر معین زمانلرده اصطلاح قونفره لری صورتنده طوبالانته لیدر .

اسلام لسانلرینک بوتون اصطلاحلری بوقونفره لر معرفتیله متحد برصورتده تعین ایتدکدن صکره آرتق لسانتمزه امت جهتمده کی اتساعی ده اکمال ایتمش یعنی اسلاملاشمش نظریه باقه بیلیرز .

لسانتمز اسلام امتک عمومی اسانی اولان بر اصطلاحلر قاموسنه مالک اولدقدن صکره عربی وفارسیدن ده اجتناب ایتک مجبوریتده در . چونکه تورکجه یه کیردن عربی ، فارسی کله لر اصطلاحلره منحصر دکلددر . برچوق لزومسز عربجه ، عجمجه لغتلوده دیلزه کیرمشدر . حتی بویکی لسانک تورکجه یه تأثیری یالکز کله لر اعطاسندن ده عبارت دکلددر . عربی ، فارسی ترکیلر ، اداتلرده تورکجه یه داخل اولمش ، تورک صرفنی بویکی لسانک صرف ونحو قاعده لریه بر خلیطه حالنه کتیرمشدر .

لسانمزی معنی اعتباریه معاصر لاشدرمق ، اصطلاح جهتیه اسلا-
 ملاشدرمق لازم اولدینی کبی ، صرف ، نحو ، املا خصوصاً نرنده
 تورکلشدرمکده لابددر. تورکجهده اصطلاحلرک غیر بوتون کلهلر
 ممکنسه تورکجه اولمالی ، یاخود تورکجهلشمش بولونمالی . عربجه ،
 عجمجه ترکیلر ، جعلر ، اداتلر ، صیغهلر لسانمزدن چیتارمالی ،
 (شعرای جدیده) دیه جکمزده (یکی شاعرلر) ، (ادبیات ترکیه)
 دیه جکمزده (تورک ادبیاتی) ، (طبیعت) یرینه (طبعیلک) ،
 (سربستی) یرینه (سربستلک) ، (موجز بر محرر) یرینه (ایجازچی
 بر محرر) ، (موجز بر افاده) یرینه (ایجازلی بر افاده) دیه لی یز . مع
 مافیه ، تورکجه لاشدرمه بی لغتله حصراً ایتکده دوغرو دکلددر . ممکنسه ،
 بوتون اصطلاحلریده تورکجه کلهلردن یایمق داها ایددر . فقط ممکن
 اولمادینی تقدیرده ، اصطلاحلر مژک فرانسزجه یاخود روسجه اوله جفته
 عربجه و عجمجه اولماسی داها خیر لیدر . هر حالده بوتون مسلمانلر
 آراسنده اولماسه بیلله بوتون تورکار آراسنده - لغت ترکی - اصطلاحلرکده
 مشترک اوله سی ، یعنی بوتون تورکلرک مشترک بر ادبیات و علم لسانه
 مالک اوله سی الزمدر .

اوحالده ، لسانمزی تورکجه لاشدریرکن تدریجاً بوتون صویداشلر مژک
 آکلایه جنی عمومی بر تورکجه یه دوغرو کیتمک لازم کلدیکنی ده اونو تاماملی یز .
 فکر مزی خلاصه ایده لم :

(یکی مفهوملر) عصرک ، (اصطلاحلر) امنک ، (لغتلر)
 ملتک ناطقه سیدر .

تورکجه اجتماعی وجدانلرک بواوچ صفحه سنه تامامیه منطبق حساس
 برآینه اولمادقجه تشکل و تکامل ایتمش بر لسان صایله ماز .



اجتماعی حیاتیاتک هانکی جهته باقسهق ایکی مختلف جریانک چارپشیدینی کورورز . بونلردن بری جذریلک (رادیقالک) ، دیکری محافظه کارلقدرد . برزینک تمامیه ضدی صانیلان بوایکی جریان حقیقته عینی اساسده برلشمشدر : قاعده جیلک .

محافظه کارلر موجود قاعده لری لایتغیر حقیقتلر صیره سنده کوردردک دیکشدرله سنه کفر نظریه باقارلر . جذریلر معقول قاعده لری مطلق دستورلر عدادینه قویه رق قبول ایتمه ینلری مرتجملکله اتهام ایدرلر . بوایکی صفدن هیچ بریسی بواسکی ، یاخود یکی قاعده لر نره دن چیه رق نه یولده تکامل ایتدیکنی ، متعاقب زمانلرده متخالف محیطلره ناصل انطباق ایتدیکنی آرامغه لزوم کورمزلر . چونکه هراییکی طرفه ده قاعده ، زمانلرک فوقنده و محیطلرک خارجنده بر (قائم بنفسه) در . بو ، بر جمعیتده حیاتی تکاملک موقت ودیکرلرینه متصل بر مرحله سی دکل ، زمان و مکاندن مجرد بر عالم اولان (نفس الامر) ده ثابت و متعین ازلی بر حقیقت ، ابدی بردستوردرد .

قاعده لره متابعت تکرار ایده ایده اعتیاد حاله کچدیکی ایچون اختیارلر محافظه کار اولورلر . کنجلر سه مدنی احتشاملریله پارلاق کوردونن مرقی ملنلرک ترقی ایتمه لرینک سیلیری تطبیق ایتمکده اولدقلری قاعده لرک دوغرو لغه حمل ایتدکلری ایچون بونلری تقلید ایتمک هوسنه دوشرلر ؛ بوندن دولایی کوکدن انقلابچیلر صیره سنه کچرلر .

آدی ایستر عادت ، ایستر موده اولسون ، ایستر آداب ، ایستر آتیکت نامی ویریلسین ، ایستر اعتقاد ، ایستر اجتهاد دینلسین ، فقه ماده لری یاخود حقوق دستورلری صورتنده تجلی ایتسین (قاعده) دائماً عینی شیدرد . تکاملک سورکمزومتردد بروقفه سی عد اولونما یوبده

جامدو ثابت بر (عين) عد اولونديني آنده، جانسز بر قديد حالي آليز .
حياتك اوزى يارايجى بر تكاملدر . تكاملسز موجودلر جامدلردن عبارتدر .
قاعده جيلر نتيجه يي سبب يرينه قويارلر . قاعده تكاملك موقت بر نتيجه سيدر .
اولر بونى تكاملك سببي صانيرلر . سبب معلوم اولديني ايجون آرتق ؛
تكاملك تاريخنى تدقيقه لزوم كورمز لر .

بوذهنيتمده اولانلر قاعده يي مطلق بر حكمدار كي تلقى ايتدكلرى
ايجون تطبيقندن بر فائده حاصل اولماديغنى كورونجه بوتون مسؤلىق
زوالى قاعده يه يوكتيرلر . در حال جذريلر سسلرينى يوكتلتهرك
محافظه كارلى صوصمه مجبور ايدرلر . ياييله جق ايش پك قولاي :
اسكى قاعده لى خلع ايدرك يرلرينه يكيلرينى اجلاس ايتك .

فقط بونلرك حكمرانلغى ده چوق سورمز ، چونكه تطبيققاده يه
عكسيلكلر كورولمكه باشلار . بوكره اعتياد جيلر باشلرينى دوغرو اتور .
وتقليد جيلرى ميداندىن چكيلمكه دعوت ايدر .

ايشته بزده دائما بويله اولمشدر ! توركللك ماضيسى تدقيق اولونسون :
كوروله جك كه بر يرينه اتصالى اولميان بر چوق تاريخ دوره لى ياشامسز ؛
مؤسسه لر مز مظفريت اعتناملر يايه آنى بر صورتده دولان ، فقط منبعى
ملى بر اقتصاددن آلماديغنى ايجون يه آنى بر صورتده بوشالمغه محكوم
اولان استيلا دولترلرينك خزينه لر يه بكرزه مش ، تكاملدن دوغمه
مؤسسه لر يمزى تاريخى اتصاللرينى تأمين ايدرك جانلى غنغه لر حاله
صوقه جغمزه بونلرى بر طرفه آتدق هراولمكه دن (تاريخسز ، غنغه سز
قاعده لر) صورتنده مؤسسه لر آلمسز .

انكليزلر قاعده سز بر ملتدر ، فقط تاريخى اتصاللرى ، تكاملى
انعطافلرى معلوم غنغه لر اك زياده انكليزلرده كورولور . انكليزلى
ترقى ايتديرن غنغه جيلكدر .

بزو تو رکړ قاعده جی ، فقط غڼه سز برملز . تو رکړ که واسلامنه
عائد غڼه لر مړه تاریخی سلسله لړی آرامادیغمز کې عصر مزی تمیزیدن
تر قیلرک منع و تکاملنی ده تدقیقه لزوم کورمه یز . بزم ایچون یالکز
نتیجه لر لازم . تو رکړک اسلامق متوالی مدلر و جزر لردن صوکر اعلی
واعتمادی قاعده لر صورتنده رسوبلر بیراقش . اوروپا مدنیق برچوق
اعتلا وانقلابدن صور را بزه برطاقم علمی و عملی عمده لر صورتنده
تجلی ایدیور .

بر قسممز اورسوبلری استعمال ، دیگر طاقمز بو عمده لری اغنام
ایدرز . قاعده ایستر اعتیادی ، ایستر تقلیدی اولسون ابداع و رقیدن
محرومدر . چونکه منفصل تقلیدلر هم امتزاج و ترکیب ایده مزلر ،
همده ماضیلری یوقدر . هر بری مستقل و مطلق بر عالم اولان
قاعده لر - اوتوردقلری یرلرده - اولدقلری کې قالیرلر ؛ بر استقبال
وجوده کتیره مزلر . غڼه ایسه ابداع و ترقی دیمکدر . چونکه غڼه
مختلف آنلری بر بریله ذوبان ایتمش بر ماضی به ، آرقه دن محرك بر قوت
کې ایلری به دوغرو ایتن تاریخی بر جریان مالکدر که دائما یکی انکشافلر ،
یکی انعطافلر تولید ایده بیلیر . غڼه کندی باشه ولود و مبدع اولقله
برابر اوکا آشیلانان یابانجی یکیلکدرده دامارلرنده کی حیات نسغندن
فیض آله رق جانلانیر و عادی تقلیدده اولدینی کې چورو یوب دوشمز .

(برغسون) فردک روحنی خاطر دلرینک مجموعندن ، جسدینی
اعتیادلرینک مجموعندن عبارت کوربیور . برملتک خاطر دلری ، غڼه لریدر
اعتیادلری ایسه قاعده لریدر ، دیمک که برملتک غڼه لر روحنی ، قاعده لر
بدنی تشکیل ایدر . استناد نقطه سنی ، غڼه جی برملت روحنده قاعده جی
برملت کوکده سنده آرار . برنجیسی حیاتک مغالرنی ، ایکنجیسی
لفظلرنی کوسترر . برنجیسی تاریخی برحریت ، ایکنجیسی جغرافی
براسارت ایچنده یاشار . بالقان حربنده بولغارلرله اولان چارپیشمه لر مزده

اونلر آتشی غنه لرندن، بزبارد قاعده لرزدن ملهم اوله رق بری برمه
صالدریوردق . نتیجه تاریخک جغرافیاه غلبه سی اولدی .

او حالده، شیمدی یه قدر یورودیکمز محافظه کارلق و تجدد یوللرینک
ایکیسی ده چیقماز ایمش . یکی حیات بونلرک ایکیسندن ده صاقتمق
کړک . اولاً تورکلرک مخصوص مؤسسه لرمنک غنه لرینی ، تکامل
تاریخلرینی ندقیق ایتملی یز . تورک ادبیاتی نه عاشق پاشا ایله، نه ده نوایی
ایله باشلار . ادبیاتمنک منبع لرینی برطرفدن طاش محکوکه لرده، جیران
دریلرنده، دیگر طرفدن ده خلقک قوشمه لرنده، ماصالرنده، داستانلرنده
آزامالی یز . ملی وزنیز پارماق اصولدر . ملی دیلوز یالکیز تورک صرفه
تابع اولاندر . ملی ادبیاتمنک موضوع لرینی ، استعاره زمین لرینی تورک
حیاتندن ، تورک اجتماعی تشکیلاتندن ، تورک اساطیرندن ، تورک
منقبه لرندن آلمالی . لسانمزدن یابانجی ترکیلری ، شعرمزدن یابانجی
وزنلری ، ادبیاتمزدن یابانجی تلیجلری آتمالی یز . لسان و ادبیاتمنک
غنه سنک مبدئندن باشلار سق اوغرادقلری موقت استیلارک عارضی
و مرضی دوره لر اولدیغنی اکلایه جغز . تورک حقوقک تاریخنی تورکلرک،
یاسارلرک ، توزوکلرک تدقیقه درلته لی یز . تورک معماریسی، تورک
رسملنی امت دورینک بنالرنده و یازیلرنده آرانسه بیله ، تورک
موسیقیسی ده ملی شعر و ادبیاتمنک کبی خلقک شفاهی غنه لرنده تحری
ایدیله لیدر .

تورکلرک کله لرده ، مثلرده ، ماصالرنده ، داستانلرده ایزلری
قالمش بر ملی مفکوره سی واردرکه بونی بوداغینق انقاض آره سنده
بولوب چیقارمق، و بونده مندج اولان قومی (مابعدالتاریخ) ی کشف
ایتمک اک بویوک وظیفه مزدر .

ثانیاً اسلامغه عائد مؤسسه لرمنک غنه لرینی ، تاریخنی تفحص
ایتملی یز . کلامک، تصوفک، فقهک تاریخلرینی بیلمه لی یز . بو مؤسسه لرک

ناصل تكامل ايتديكى ، مختلف محیط وزمانلره نه يولده انطباق ايله ديكي معلوم اولورسه بوعصرده هانكي ترقيلري قبول ايدجكي واستقبالده نه شكده برتكامل تعقيب ايله يه جكي ده آكلاشيله بيلير .

عنه بر مؤسسه نك مختلف زمانلرده كي شكللري آردسده اتصال وآهنك تأسيس اتمكله قالماز . بوتون مؤسسه لرك عيني اصلدن نه صورتله اشتقاق ايتديكني ده كوسترررك هپسني بر برينه ربط ايدر .

دور قائمه كوره ، اخلاق ، حقوق ، سياسيات ، منطق ، بديعيات ، اقتصاديات كي مؤسسه لرك جمله سي (دين) دن مشتقددر . بودالير كوكلريني ديني بر منبعدن بولغسا زنده بر فيضه ، فياض بر زنده لكه مظهر اولورلر .

عنه اتصال وآهنكي منتضى اولديني ايجون توركك مابعدالنارنجي دينك بو مابعدالطبيعسه ربط ايدرك بر « اسلام - تورك » تاريخ فلسفه سي ده وجوده كتيريله بيلير .

ثالثاً عصر ك آليات وقونندن ، اصوليات وفلسفه سندن استفاده ايدم بيلمك ايجون بونلر كده تكامل تاريخلريني ، زمانى واجتماعى انطباقلريني تحري اتمه لي يز .

مدينت تاريخي بزه كوسترييور كه بر مملكتده صنايع ترقى يه باشلاخه قلرده انكشاف ايديور .

قلر صنايعدن دوغار ، صنايعي سوق وادارديه اوغراشير . بزه فن تحصيلي برواسطه دكل ، بر غايه در . حال بو كه بزم متفننلر مزيا لكز قندن بحث اتمه يي بيليرلر ، فك تطيقاتيله اوغراشمة يه اقتدارلري يوقدر . او حالده بزه حقيقي معناسيله نه فن ، نه ده متفنن وارددر . قلر آلياتدن دوغديني كي فلسفه ده اصولدن تولد ايدر .

فيلسوفلر باشقه لر ينك بولديني حقيقتلري تركيب وتنسيق ايدنلر دكلدر . كر چكدن فيلسوف اولانلر حقيقتك تحريسي اصولنى بيلنلر وبونى بالذات تطبيق ايدم بيلنلر در .

بوگون فلسفه کشف اولنش بر سورو معلوماتك مجموعی صورتنده
تلقی اولونه ماز. فلسفه بومعلوماتی لاینقطع کشف و اصلاح ایدن اصوللردن
عبارتدر . ینه آکلاشیلیورکه بزده حقیقی معناسیله نه فلسفه ، نه ده
فلسوف وارددر .

او حالده بر طرفدن تاریخی و غنغنه لی بر ملت حاله کیرمکه ، دیگر
طرفدن ده بالفعل صناعیه استناد ایدن قنلر ابداع ایتمکه ، اصوللردن
علی الدوام فیض آلان فلسفه لر یار آتمه چالشمه لی بز .

عصرک قنون و فلسفه سی ، قیات و اصولیاتی ملی و دینی غنغنه لر مزه
ایضاح ایتدیکمز صورتده آشیلار و مزج ایدرسه ک معاصر بر اسلام -
تورک مدنیقی حاصل اوله جقدرد . وایشته خلق روحنک « قزیل الما » دیه
آرادیقی بومو عود و وطنه واصل اولدیغمز زماندرکه حقیقی معناسیله
حرثاً حر و مدنیةً مستقل اوله جغز .



— ۴ —

حرث زمره سی ، مدنیّت زمره سی

اجتماعیات متحریرلرینک بری برینه مخالف نتیجه لره واصل
اوله سنک سببی اجتماعی حیاتی بعضیلرینک (حرث زمره سنده) ، دیگر
قسمنک (مدنیّت زمره سنده) آرامه لریدر . بونظر تخالفی ابتدا اجتماعی
حادثه لرك تعریفنده تجلی ایتشدرد . (تارد) اجتماعی حادثه لری « تقلید
واسطه سیله عمومیلشمش فردی ابداعلر » دیه تعریف ایدیوردی .
(دورقایم) « بر حادثه تقلید واسطه سیله عمومیلشدیکی ایچون اجتماعی
حادثه اولماز ، بلکه اساساً اجتماعی حادثه اولدیغی ایچوندرکه تقلید
واسطه سیله عمومیلشیر . » دیدرک (تارد) « مقابله ایدیوردی .
(دورقایم) « کوره فردی حادثه لر « آجیمق ، صوصامق ،

اويومق ، كې كندىنى فردى روحلارە صرف داخلى برتضيقلە عرض ايدەن احتىساجلردر . اجتماعى حادثەلرسە « دىنى اعتقادلر ، اخلاقى وظيفەلر ، حقوقى قاعدەلر ، سياسى واجتماعى مفكورەلر » كې كندىنى فردى روحلارە صرف خارجى برتضيقلە عرض ايدەن مفهوملردر . بونىرىفلر كوستريور كە اجتماعى حياتى (دورقايم) حرث زمرەلرنە ، (تارد) مدنيت زمرەلرنە آرامشدر . دقت ايدىلرسە آكلاشيلر كە فردى حادثەلر نامى ويرىلن كرك يوقايدە ذ كرى كچن احتىساجلر و كرك كوزمك ، ايشيتمك ، قوقلامق ، طامق ودويق كې احتىساسلر (Sensation) حياتى ونوعى حادثەلردر . بونلرە فردى حائلر ديمك دوغرو دكلدر . بونلر ك خارجندە قالبودە « اجتماعى حادثەلر » نامى آلان مفهوملرە كلنجە بونلردە ، نفسى وشيى مفهوملر دىبە ايكيە تفريق اولونە بيلير .

نفسى برماهيتى حائر اولان اعتقادلر ، اخلاقى وظيفەلر ، بدىيى شكلر و على العموم مفكورەلر بر حرث زمرەسك تلقيلىدر . شيى برماهيتى حائر اولان علمى حقيقتلر ، صحى ، اقتصادى و عمرانى قاعدەلر ، زراعى و تجارى آلياتلر و على العموم رياضى و منطقى مفهوملر بر مدنيت زمرەسك تلقيلىدر . حرثى زمرەيە عائد تصورلر ك فردى روحلارە اجرا ايتدىكى خارجى تضيقلە (مؤيديت Sanction) ، مدنيت زمرەسە عائد مفهوملر ك تابع اولدىنى خارجى مطابقتە (شيئيت Objectivité) دىنيلير .

حفظ الصحة قاعدەلرينە رعايت ايتدىكمز زمان خستە اولورز ؛ بوخستەلق حيات قانونلرينە اطاعت ايتمەيشمك طبعى بر نتيجه سيدر . اقتصاد قاعدەلرينى اھمال ايتدىكمز وقت مضايقتە دوچار اولورز ؛ بونتيجه دە اقتصاد قانونلرينە رعايتسزلكمك ضرورى بر اقبقتدن عبارتدر . دىنى ، اخلاقى ، مفكوروى و بدىيى قاعدەلرە رعايت كوسترمدىكمز تقديردە وجدان محكمەلرينك ، ياخود محكمە وجدانلرينك بزە توجيە

ایده‌جکی معنوی ، یاخود عمومی ذوقك حق‌مزد (خنده) صورت‌نده تطبیق ایده‌جکی جزالر بو اطاعت‌سز لکمزك طبیعی و ضروری بر نتیجه‌سی دکلدرد . بوجز الانه‌لر ذکر اولونان قاعده‌لرک حرث زمره‌سنک وجداننده « قیمتلی » طائله‌سنک ، بناءً علیه « مؤید » اوله‌سنک نتیجه‌سیدر . حرث حادثه‌لری فردده « انشائی مفهوم‌لری یعنی قیمت‌لری تقدیر وتصنیف خدمت‌یه مکلف اولان » وجدان [۱] ملکه‌سنی مدنیت حادثه‌لری ایسه « اخباری مفهوم‌لری ، یعنی حقیقت‌لری تحایل و ترکیب ایشنه مأمور اولان » عقل ملکه‌سنی حصوله کتیر مشدر .

« حرث ایچنده فرد » اجتماعی بر وجدانک اراده‌لرینی کندینه قیمت‌لی مفکوره‌لر عدایدوب اولنری دستورالعمل اتخاذ ایتمهک ، « مدنیت ایچنده فرد » اجتماعی بر عقلک منطقی چره‌چیوه‌لری دائره‌سنده دوشونمهک مجبوردر .

بر مدنیتک علمی مفهوم‌لری ، فنی آلیات‌لری ، اقتصادی محصول‌لری تقلید و مبادله طریقیله بر خلقدن دیگر خلقه کچر و بر مدنیت زمره‌سی ابتدا محلی بر ماهیتده تجلی ایده‌لرک تدریجاً اولکه‌لری ، قطعه‌لری و نهایت بوتون انسانی آغوشنه آلیر . آنجق بو خصوصده درکه کرک (نارد) و کرک « تاریخی ماده‌جیلک » طرفیلیسی اولان (قارل مارکس) و (ادمون دهمولن) کبی اجتماعیاتحیلر حقیدرلر . انسانیت یالکیز فردلردن مرکب بر مدنیت زمره‌سی اولسه‌یدی ، حادثه‌لرک عمومیلشمه‌سنی یالکیز « تقلید » عطف ایتمک ، اجتماعی حیاتده یالکیز « آلیات » قیمت ویرمک بلکه دوعرو اوله بیلیردی . حال بوکه انسانیت مستقل فردلردن مرکب بر مدنیت زمره‌سی دکلدرد : فردلر « عائله » ، « سیمه Clan » ، « ناحیه Commune » ، « اوجاق Corporation » ،

[۱] فرانسوزجه Conscience کلمه‌سی روحیاتده واجتماعیاتده باشقه باشقه معناله دلالت ایدر . بز بو کلمه‌ک روحیاتده کی معناسنی افاده ایتک اوزره « شعور » لفظنی اجتماعیاتده کی مدلولنی افاده ایچونده « وجدان » تعبیری قبول ایدیورز .

« صنف » ، « جماعت دینه Communauté religieuse » ، « قوم » ، « امت » ، « دولت » کي متعدد حرث زمره لری اچنده « فانی فی الناس » اولمشلردر .

مادیاته تشبیه جائزه دیه بیلیز که اجتماعی جزء فردلرک تجمعی یالکز حکمی بر اختلاط صورتنده اولمامش ، کیمیوی امتزاجلر بوجزه فردلری مرکب ذره لرده اقا ایدرک میدانده یالکز بوزره لرله بونلرک اختلاط حالی قالمشدر . ناصل که حیاتی حجره لرده - « مونر » لر مستثنا اولمق اوزره - مختلف شکل و کیفیتله عضویتلر تشکیل ایتشار ومو جودیتلری بواجتماعی موجودیتلره تابع ایله مشلردر .

اجتماعی امتزاجلر ، یاخود تعضیلر فردلرک سربستجه اختلاطنه مانع اولدینی اچون مدنیت زمره سی حیاتنک استلزام ایتدیکی تقلید ومبادله ، عارضه سز بر صورتده جریان ایده مر .

دولتله داخلی صنایعلری حمایه اچون یوکسک کمرک رسمی وضع ایدرک اقتصادی مبادله نك سربستیسنه مانع اولورلر . قوملر ، ملی لسانلرینک صفوتی محافظه اچون یابانجی کله لری دیللرینه صوقامنه ، ادبیاتلری ملیشدیرمک اچون جهانشمول بر ماهیتی حائز اولان « قلاسیق » ادبیاتی ترک ایدرک موضوع واساسلری خلق ادبیاتندن آلفه چالیشیرلر . امتلر بین المللی حقوق و اخلاقه دینلری تمل اتخاذا ایدرک - اوروپانک دأئما وبالخاصه بالقان محاربه سندیه پادینی کبی - انسانلغه عائد قدسیت ومصونیتی یالکز دینداشلیرینه حصر ایدرلر . عائله ، « زوجیت ، بابالق ، آنالق ، اولادلر کبی » خصوصی رابطه لر تولید ایدرلر معاشرت وملکیته خارجه قارشى متحد بر هیئت میدانده کتیر بر عشیرت بر چوبانلر قافله سنی ، ناحیه بر کوی یاخود بر قصبه یی ، اوجاق بر خرفنک منسوبلری ، قورپوراسیون بر مسلکک فردلری ، جماعت بر موقعه کی مذهبداشلیر یابانجیلره قارشى یکوجود بر عائله حاله قویار .

فرد شو زمره لردن هر برينك كندينه مخصوص وجدانندن ملهم اولديني خالده در كه مدنيت زمره سنك ايچنده ياشار . (دور قاييم) اجتماعي وجودك طبيعي مفصيلتلى اولان زمره لرى نظره آلديني ايچوندر كه اك نافذ نظرلى بر اجتماعياتيجي طائمشدر . حرثى ماهيته اولان زمره وجدانلى جمعيته خاص اولان عقل و منطقله دائمي بر مجادله حالنده در . فرد بعضاً وجدانه فضله اسير اولديني ايچون معقول دوشونه مز ، بعض كرده عقانه فضله بر صلاحيت و برديكي ايچون وجدانك دويغولريني بوغار . وجدان ايله عقل ، يا خود حرث ايله مدنيت آره سنده كي بو مخاصمه اجتنابي قابل اوليان بر ضرورت دكلدر . چونكه وجدانك خدمتي اجتماعي بر اعجازه (prestige) مالك اولان قيمتلى تقدير ، عقلتك مأموريتي شئي حقيقتلى تنصيصدر . برنجيسي بزم «ايچون ياشامه لي؟» سؤالز «مفكوره ايچون» جوابي ويرر ، ايكنجيسي «ناصل ياشامه لي؟» سؤالز «معقول بر صورتده» ديه مقابله ايدر . برنجيسي انشائي حكملريه اراده مزى ، ايكنجيسي اخباري حكملريه مبرده مزى سوق واداره ايدر . خلاصه برنجيسي بزه غايه لرى ، ايكنجيسي واسطه لرى كوسترر .

(ادمون دهمولن) «كوره تربيه و سياستك هدفى حرثيجي فردلرى مدنيتيجي فردلره قاب ايتمك درديه بيليرز؛ چونكه ، آنغلو ساقسونلرك تفوقنى انفرادجى «بزم اصطلاحز جه مدنيتيجى» اوله لرينه ، شرق ملتلىنك تدنيسنى تجمعيجى «بزم اصطلاحز جه حرثيجى» اوله لرينه عطف ايديبور . ملتلك ترقى و تدنيسنى بويلا برتك سيبه اسناد ايتمك علمى بر حركت دكلدر .

بوندن باشقه آنغلو ساقسونلرك تجمعيجى اولموب ده انفرادجى اولدقلى حقه كي ادعاده دوغرو دكلدر . واقعا آنغلو ساقسونلر ، بزم كبي دولتيجي دكلدرلر ، فقط حرثى زمره يالكر دولتن عبارتيدر ؟

انكلترده حرثى بر زمره ماهيتنى حائز اولان محلى اداره لرك ، ملي مذهب تشكيلاتنك ، صنف تشكيلاتنك ، زادكان تشكيلاتنك نفوذ

وقوتی هر یردن زیاده در . آنغلو ساقسونلرک عرغی اولملری ده حرغی اولدقلرینه بردیلدر . شو قدر وارکه اوراده حرث حیاتی بوقوت و صلابتیه برابر مدنیت حیاتک انکشافه مانع اولمامشدر .

حرثه مدنیت آراسنده غیر طبیعی بر مجادله واقع اوله بیلدیکی کبی بر حرث زمره سی داخلنده کی مختلف تالی زمره لرک وجدانلری آراسنده ده مرضی مابینلر تحدت ایده بیلیر . مثلاً بعض کره عائله عصیتی ، مفرط بر شکل آله رق ملی عصیتی ضعیفلاتیر . بعض کره دینی حمیت ، قومی حمیتی نفی ایده جک بر شکل آلیر . بعضاً ملیت حسی ، مشترک وطن و دولت دوینولری ابطاله چالشییر . اور واده صنف عصیتی وطن دوشمانلغی ، عسکر دوشمانلغی کبی مرضی نتیجه لر تولید ایدیلور .

اجتماعی زمره لر آرسنده کی طبیعی سلسله مراتبی بوله رق بوغیر طبیعی حرب حالی صلح وضعیتته قلب ایتک اجتماعیات علمنک وظیفه سیدر .

مثلاً ایجاب ایتدیکی زمان عائله کندینی حرفت اوجاغنه ، اوجاق کندینی دولته فدا ایتلی ، کرک بونلر و کرک عائله و دولت دینی ولسانی زمره لره قیمت ویرملی ، بوتون اجتماعی زمره لره قیستجه فائق اولماسی لازم کلن «ملت» کلسانی زمره دن ، بین المللیتک ده ، مدنی زمره دن عبارت اولدینی نظره آلینالی . شوراسی ده نظره آلینالیدرکه مدنیت زمره سی بر «چارشی خلقی» صورتنده باشلار . چارشیده ، ترزی ، قوندره جی ، اکمکچی ، توحافیه جی کبی حرفتچیلر یا لکتر کسندی منفعتلری ایچون چالشییرلر . فقط بونلرک کسندی منفعتلرینه چالشیملر لردن عمومی منفعت حصوله کلیر . بونک کبی بر مدنیت زمره سی داخلنده مختلف ملتلرک هر برینی اور یژینال بر حرث یا بمق اوزره آراننده ایش بولومی یا پشلردر . فردی قابلیتلرک اختلافدن محلی ایش بولومی حصوله کلدیکی کبی ملتلره عائد استعدادلرک تباینندن ده ملتلر آرسنده حرث بولومی حصوله کلیر .

ابتدا بری برینه یاقین اولان خلقلر تجاری ، فکری و آلی مناسبته کیرر،
 صوکر ا بو مناسبت دائره سی کیتدکجه کنیشه لر . تا قرون اولاده آق دکر
 حوضه سی ملت لرینک بری بریله آلیش و یریش یاقمقده ، بری برندن معلومات
 و آلیات اقباس ایتمکده اولدیغنی کورورز . امید بورونک کشفی ،
 آمریقانک اسکى دنیاچه طائمه سی ، طباعتک ایجادی ، سوبش قنالنک
 آچیلما سی ، دمر یوللرک ، تاخراف و پوسته لرك تأسیسی ملت لر آراسنده کی
 مناسبتری آتیرمش و کیتدکجه جهان شمول برشکل ویرمشد . حرثی
 زمره لر ابتدا کندیلرینی برده نك طورونلری عدا ایدن برسمیه حالنده
 باشلار . او حالده ایلک حرث زمره سی دینی ولسانی در . بو عاقله بدایتده
 صرف دینی برحیات یاشادی ایچون دینی برزمره حالنده در . بوتون
 سائر زمره آنموذجلرینک رشمیلرینی مشیمه سنده طاشییان بودینی
 زمره دن متوالیا عااله ، قبیله ، عشیرت ، کوی ، قصبه ، صنف ، اوجاق ،
 جماعت ، ناحیه و نهایت قوم ، امت ، دولت اشتقاقه باشلار . او حالده
 مدینت زمره سنک تابع اولدیغنی اجتماعی قانون کیتدکجه دائره سنک توسع
 ایتمه سی ، حرث زمره سنک تابع اولدیغنی قانون ایسه غیر متمیز و کثیر
 الوظائف بر حالده باشلا یه رق کیتدکجه هر وظیفه ایچون خصوصی زمره لره
 آیریلق صورتیله ابتدائی زمره سنک تفرع و تنوع آیه مسیدر .

بو تفصیلاتدن آکلاشیلیورکه معاصرلا شمع تعیرینک معناسی ،
 عصری اولان مدینت زمره سنک کیتدکجه تکمل ایدن علم و معرفتده
 هیچ بر ملتن کیری قالمایه جق صورتده فائق بر موقع احراز ایتمکدر .
 مدینت زمره سی ایچنده مشترک بر انسان حیاتی یاشامق هیچ بروقت
 نه عااله و دولت حیاتلرینک خصوصیتنه ، نه ده ملت و امتک تضمن ایتدیکی
 حرثی تساندلره منافى دکلدر .

بز تورکر ، عصری مدینتک عقل و علمیه مجهز اولدیغمز حالده
 بر «تورک - اسلام» حرثی ابداع ایتمکجه چالیشمالی یز .

توركللك باشنه كلنلر

وقتيله مختلف قوملره منسوب مأمور تخيلرك بر اقبال كچه سى اولان
بیزانسه قوزموپوليت بر صنف تشكل ايتمشدى .

بوطاشفه كندی كندینه بر عنوان آرامش ، نهایت (شهرى)
تعيرنده قرار قيلمىشدی . (شهرى) نك مليقى يوقدی .

سرورينك رفيع آمدی يه خطاب ايتدىكى (من و نوهر دونه
شهریم كه من ترك و تو كورد) مصراعندن ده آكلاشيلديغى وجه ايله
(شهرى) نه تورك ، نه كورد ، نه عرب ، نه آذناووددى : بوتون ملتله
دوشمان برهيت . بو هيت عربى بكنمز ، ردی استخفاف ايدر ، لازله
اكلنير ، توركى تحقير ايدردى .

احمدوفيق پاشانك (منتخبات ضروب امثال) نى آچار سه كز
بو قومى اسملر حذا سنده بر طاقم مناسبتسز توصيفلر كوردورسكز .
شهريلردن صادر اولان بو مللر صاحبارينك روحيته اك واضح
وثيقه لردر . بوناردن يالكلز توركلره عائد اولانلرى نقل ايدييورم :

« ترك آتته بينجه بك اولدم صانور . »

« ترك اولانه سهر ايجى زندان اولور . »

« ترك بو هووى عجم بهى سور . »

« ترك ايجى اودنجدر . »

« ترك دانشمند اولور ادم اولمز . »

« ترك نه بيلور بيرامى لاقلاق ايجر آرانى . »

« ترك و طوسون چونكه طوغدى انادن ، او كوت الدى اشك

ايله طانه دن . »

« تركك عقى صكره دن كلور . »

« ترك درنكى اولمز . »

« تركه بلكك و ير مشل ابتدا باباسنى اولدرمش . »

بوشهريلك تاريخ كتابلارنده قوم اسملى دا ئما (اترك بى ادراك)
 (اكراد بدهاد) كىي تحقيرلى شكللرده يازيليردى . بو حال مليت حسنك
 دويولمادىنى زمانلرده اوقادار دقتى جلب ايتيوردى . فقط صوك
 عصرده مليت دويغوسى بويوك بر نفوذ قازانقدن صوكرد توركل
 غيرى اولان قوملر بو حقاتلارده تحمل ايدمه كه باشلاديلار .

بر طرفدن خروستيان قوملر مختاريت داعيه سنى تعقيب ايدركن ديكر
 جهتدن ده اسلام قوملر مليتيله افخار اتمكه ، قومك عاينده
 سوز سويلتمه كه قويولويورلردى .

مليت فكرىنى اسلام عالمه ايلك ادخال ايدنلر عربلرله آرنالوودلردى .
 مصرده « عبدالله نديم » عرب مليتى ، استانبولده « نعيم بك
 فراشه رى » آرنالوودمليتى ديرلتمكه ، چاليشيورلردى . برمفكورنك
 قوتلنمىسى ايچون ايكي حسك ياردىمه احتياج واردر . بوناردن برىسى
 (مى محبت) دركه مى مفخرتلرله خلق غننه لرندن دوغار . ايكنجيسى
 (مى كين) دركه هر هانكى براستبداده قارشى غيظ وعداوت اوياندر
 مقوله حاصل اولور .

عبدالله نديمه نعيم بك هر ايكي سى ده بوملى كينى اوياندرمق ايچون
 « تورك دوشمانلىقى » نى تعميمه لزوم كورميشلردى . اصرافى پاشانك
 مرشدى اولان عبدالله نديمك عمدلرندن برى « اتركوا الترك ! »
 خطابى ايدى . نعيم بكك تلقيناتى مملكت مزده جريان ايتدىكى ايچون
 بونك شكلندن هېزك آزچوق معلوماتلر واردر .

بوندن اون يدى اون سكز سنه اول برمكتبه كيرمك اوزره
 ايلك دفعه اوله رق استانبوله ككشدم . بالا خره سياست عالمده معروف
 برسيا صيره سنه كچن بر آرنالوود دوكتور بك شوسوزلىرى سويله مشدى :
 « بز آرنالوودلر استبدادى ييقمق ايچون توركلره ياردىمه حاضرزه .
 فقط بيلميسكز كه بزم نظر مزده بر عبدالحميد استبدادى يوق ، بر

تورك استبدادی واردر ، بو كونيكي اداره دن مسؤل اولان دوغرو دن دوغرويه توركلدر . اكر بو ظالم حكومه نهايت ويرمزه كز بز تفكر مني سزي تمثيل ايدن شخصه دكيل ، بالذات سزك كوكسكزه چوريه جلز . »

اوزماندنبري دقت ايتدم : آرناوود كنجلري توركلرك ترقيه مستعد اولماديغنه ، توركلرله حيات اورتاقلني ايدرلرله كنديلرينكده مضمحل اوله جفنه دائر منطقلي يوروتارك ملت حسي نفخ ايديورلر- دي . بوتلقيلري يالكز آرناوود كنجلرينه محصور دكيلدي . عرب و كرد كنجلرينه ده بو دوشونجه يي تلقينه چاليشيورلر ، حق توركلرك جيلنسز و باربار اولديغنه توركلري بيله اينانديرمغه غيرت ايديورلردى . اووقت ذاتاً تورك عنوانى قبول ايدن برفرد يوق كيدي .

استانبوللير كنديلرينه « شهرى » نامنى ويريور ، طشره ليله : ايسه جغرافى قرايتمه كوره آرناوود ، عرب ، كرد ، لازدييورلردى . روم ايلي اهالي سي عموميتله آرناووددى ، قره دكيز ساحلى يالكز لازرله ، شرقى آناطولى يالكز كردلرله مسكوندى . بويه برجغرافى قوميت عنوانى بولاميانلرده ، مفاخريني داهارلاق كوردىكي قوملردن برينه كوكلكلى يازيليوردى . بوسورتله اصلاً تورك اولان برجوق كنجلر آرناوودلقله ، عربلقله ، ياخود كردلكله افتخار ايديورلردى . توركللكله مباحات ايدن تك برفرد يوقدى . « تورك » كله سني عيلى عنوانلر كهي كيمسه اوزرينه آليوردى . (تورك) شرقى آناطوليده (قيزيلباش) ، استانبولده (قاپا و كويلو) معناليه ايدى . نعيم بكك آك حرارتلى آرقداشلردن ايكي سي نسباً تورك اوغلى توركدى . بونلرك تلقينيله تورك اولدقلىنه اصلاً شهبه اولمايان بعض ديار بكرلى و خروبتلى دوغورلرده كنديلريني كرد صانيورلردى .

تاریخده بو آجیقلی حاله بر ایکنجی مثال کوستریله مز : خارجده
 آوروپا تورکیاده کی ردالتلردن دولای یالکز تورککری اتهام ایدیور،
 داخلده مسلم و غیر مسلم بوتون قوملر سرائک استبدادن، مأمورلرک
 ظلمندن، حکومتک یولسزلغندن آنحق تورک قومنی مسؤل طانیور-
 دی . حال بوکه تورک قومی « بن واریم » دیموردی . اورتهده توجیه
 اولونان بر مسؤلیت یوکی واردی که اونی قبول ایدن بر اوموزیوقدی .
 تورککری ملی بر وظیفه درعهده ایتمه مش کندی باشنه فردلردن
 عبارتدی . ملی بر وجدانه ، ملی بر مفکوردیه مالک اولمایان بر کتله-
 دن اخلاق ، حمیت ، فداکارلق بکله مک عشر . ایشته فطره غابت
 نیجب اولان تورککری اجتماعاً بودرجه تردی ایتلری آنحق « کندی
 طانیماق » و « ملی مسؤلیتی بیلمه مک » خطالردن ایلری کلیوردی .
 اوت ! آوروپا حقلی ایدی . عبدالحمد حکومتک ظلملردن
 حساب ویرمه بورجلو اولان تورکاردی . مشروطیتدن صوکرده
 هرهانکی فرقه اقتدارده بولونورسه بولونسون فعللردن تورککری
 مسؤلدی . چونکه بو حاللرک نتیجه سندن اونلر متضرر اوله جقدی .
 آرانوودلر عصیان ایتدکری زمان فرقه فرقی آرامقسزین بوتون
 تورک مأمورلری قوغدیلر ، آله کچیردکری تورک ضابط و نفرلری
 اولدوردیلر .

تنظیماتجیلر تورککلکک یوزینه آلتایجی بر نقاب چکمک ایسته مشدی
 ملی بر تورک لسانی یوقدی ؛ بین العناصر مشترک بر عثمانلیجه
 واردی . بوتون عنصرلر قایناشمش یکی بر قومی انموذج ، تاریخی
 بر عرق ، بر عثمانلی ملتی حصوله کلشدی . بو ملتک خصوصی بر دیلی
 اولدینگی کیی کندیینه مخصوص بر تاریخی ده واردی .
 بویالانه هیچ بر عنصر اینامادی . هر قوم مکتبلرنده جوجو قلیینه
 کندی تاریخی اوقوتدی ، کندی لسانی اوکردهدی .

مشروطیتدن سو کره بوقابه داها زیاده اهمیت ویریلنجه عنصر لر
 « بزى ، تورکشدیرمک ایستورسیکز ! » دیه فریاد ایتمکه باشلادیلر .
 حقیقه بو عثمانلیلشدیرمق سببستی تورکشدیرمک ایچون کیزلی بر
 واسطه دن عبارتدی . عثمانلیقدن مقصد « دولت » ایسه ذاتاً هر عثمانلی
 تبعه سی بودولتات بر فردی ایدی . یوق ، بوندن مقصد لسانی
 « عثمانلیجه » اولان بریکی « ملت » یاراتمق ایدیسه عثمانلیجه تورکجه دن
 باشقه برشی اولمادیغی ایچون بویکی مات باشقه نام آلتنده بر تورک ملتی
 اولاجقدی . بونی عنصر لر پک ائی آکلادیلر ؛ وملتیرینی مدافعه
 ایچون مادی و معنوی تشکیلاتلارینه داها زیاده قوت وانتظام ویردیلر .
 بوتنظیمات طوزاغنه دوشن یالکیز تورکلر اولدی . تورکلر لسانلر-
 ینک حقیقه « اوج دیلدن مرکب عثمانلیجه » اولدیغنه اینانه رق خلق
 لغتیه سسویه مکی و یازمغی بر ارنجاء تلقی ایتدیلر . تنظیمات روحی
 مشروطیتله خلقه قوللانمغه حاضر لاندیغی برحا کیتی ویردیکی حالده
 پک اعلا قوللاندیغی لسانی ویرمیوردی . ملتیدن ، ملی تاریخندن
 بحث ایتمکه طبعی هیچ تحمل ایدهمیه جکدی .

تورک کنجلیکی بر طرفدن لسان وادیات ساده لشمزسه ، ملی بر
 مفکوره روحلرده وجد و فدا کارلق او یاندر مازسه ، ملی بر اقتصادیات
 مجادله سنده اصطفا یی تأمین ایتزسه تورک کلکک وعینی زمانده عثمانلیلق
 واسلاملک محو اوله جغنی آکلادی . دیگر طرفدن بویالانجی نقابی آتمادجیه
 هیچ بر عنصری روحنک صمیمیتنه ایناندرمه میه جغنی و بناء علیه عنصر لرک
 ائتلافی غایه سند قطعاً تأمین ایدیله میه جگنی کوردی . بوندن باشقه
 بوتون ملتیر تشکل ایتشکن تورک مفاخرندن بحث ایدیله می تورک
 کنجلرینک دیگر قومیتلر طرفدن تمثیل ایدلمسنی انتاج ایدمه جگنی ده
 نظر دن اوزاق طوتمادی . نهایت بو اوج سبک سسویه تورککلک
 مفکوره سی انفلاق ایتدی .

بويكى ملتك ظهورى بوتون قوملك ملتيجلرى مسرتله قارسىلا-
دىلر . يالكز « شېرى » و « تنظيمچى » اموذجلرىنه منسوب اولانلر
ممنون اولمادىلر .

عجبا توركلرده ملت حسنك اويامه سندن قائده مى ، يوقسه
ضررى حاصل اولدى ؟

هيچ بر ضررى كوردن و كوسترن يوقدى ؛ فائده لرى ايسه
صايلاميه جق درجه ده چوقدى : توركجه نك ساده لشمه سى ، صرفزك
يابانچى قاعده لردن قورتولمى ، شعرمك مى وزنده يازىلماسى ، ادبى اتمزك
يونان و ايران اساطيرندن قورتوله رق مى منقبه لر واسطوره لرله
سوسلنمى ، مى انتباهه برابر اونك لازم غير مفارق اولان دىنى بر
انتباهك باشلاماسى ، منسوب اولديغمز امتله بين الملىك تعينى ، مى
اقتصاد ، مى ادمان و مى اخلاقك انكشافى ، كنجلرده بر مفكوره
اوغرنده اولمك حسنك دوغمه سى ، عنصر لرله مشاركت حسى دولاييسيله
آكلاشه بيلمك قولايلاشماسى ، هر فرد طرفندن مى بر مسئوليتك حس
و در عهده ايدلمه سى .

بوكون ملتپورور بر تورك كندىنى هر حر كتيله قومنه مضرت ايراشندن
وقايه ، و اوى يوكسك بر سويده ايصاله چالشمق مجبوريتنده كورور .
بناء عليه شخصى تمايللردن ، شخصى احتراصلردن صاقمغه ، گوزينك
او كنده يالكز مقدس وظيفه لرىنى بولوندىرمغه چالشير . تورك كنجلرى
بك اعلا آكلامشلردر كه بوكون اك مقدس وظيفه توركارك بوتون سياسى
فرقه لر ، بوتون اجتماعى جريانلر فوقنده بر لشمه سيدر . بو اتحاد حاصل
اولونجه اسلاملك وحدتى ، عثمانىلك تماميتك داها امين بر وضيمته
كيدر .

تورك قومى كندى موجوديتنى ادراك ايدر اتمز عربلك ترقى
ايجون حقيقى احتياجلرينك نه اولديغنى آكلادى . ديكر عنصرلك
احتياجلرىنه آتجق بويكى حسنك نوزيله كوره جكدردر .

يوقايدە حكومتك وسياسى فرقه لرك حركتلرندن توركللكك
معاتب اولديغى سويلشذك . بو قوتلرك ائى فعللرندن مكافاته مظهر
اولانده ينه توركلر اوليور .

مثلا حكومت عربلره بر طاقم مساعده لر بخش ايتديكى زمان
بوتقربه « تورك وعرب مخادتي » نامى وىرلدى . « حكومت » له
« عربلر » ك ، ياخود « اتحاد وترقى » ايله « عربلر » ك مقارتي
اسمى وىرلدى .

كوريليوركه تورك قومى « بن واريم » ديدكدن صوكره مسؤليتنى
داها ائى تقدير ايدىيور وبوكون مليت دويغولرندن فراغت ايتملرى
ممکن اولمايان دىنداش و دولتداشلىله داها كوزله آكلاشمق يوللرغى
بوله بيليور .

دون اوزون مدت بقاسنه امين اولمايدىغى ايچون هيچ بر
حكومتك اصلاحات وعدلرينه كودنه مين غنصرلر، يارين قارشيلرنده
وظيفه ومسؤليتنى بيلير لايوت برتورك قومى بولدقلى زمان بوپايدار
موجوديتله آكلاشمق امكانى كوره جكلر وبوصورتله شمى ياپدقلى
كبي اجنبى مراقبه سنى ايسته مكه طرفدار اولمايه جقلردر . تورك
كندى مليتنه حرمت ايتمكه باشلادقدن صوكر اقوملرك مليتنى ده محترم
طانيه جق، كندى حق ووظيفه لرغى طانيدقدن صكره سائر قوملرك ده
وظيفه وحقلاىغى تعيين ايديله جكلر .

من عرف نفسه فقد عرف غيره

بعضى كيمسلر عثمانلى قوملرينك هپسندى مليت دويغوسى
طبيعى وحقى كوردكلى حالده بوندن يالكز توركلرى استثنا ايدىيورلر .
دييورلركه « توكلر حاكم موقعنده بولوندقلى ايچون مى خنلرك هپسنى
ذاتاً حائزدرلر ؛ مليت حسيله يكيدين اكتساب ايديله جك مقصوب
منفعتلرى يوقدر » بو ذاتلر « عثمانلى دولتى برتورك دولتيدر » ديمش
اولسلردى بو اعتراضلرى بلكه محق اولوردى . حال بوكه بو دولتك

« عثمانلى » نامى آلىندى. بين العناصر بر حكومتله اداره اولونديغينه قانعدرلر. بودولت بر تورك قانون اساسييه اداره ايدلمدىكى ايچون توركلارك سياسي ماهيتجه ديكور قوملردن هيچ برفرقى بوقدر. او حالده ديكور قوملر كيبي توركلارك ده مىلى بر وجدانه، مىلى تشكىلاته محتاج اولديغى انكار ايتمك لازم كلير .

توركلارده مائيت حسي اويانمغه باشلايغجه تورك كلهسى باشقه تورلو هجوملره معروض اولدى . هلاكونك وحشيانه ظلملريه توركچيلىك آردسندى بر مناسبت وارمش كيبي هجوم حيله لري ياپيلدى . بر طرفدن ده توركچيلىك اسلامچيانه مخالفتله اتهام ايدلدى .

حال بوكه توركچيلرك غايهسى معاصر بر اسلام توركلكى در . توركچيلرك مات مفكوردهسى توركلك سه ، امت مفكوردهسى ده اسلاملقدرد . نجه توركچيلرك آريجه بر امت پروغراملرى ده اولمالى وباشليجه اساسلرى ده شونلر بولونماليدر ؟

(۱) بوتون اسلام قوملرى آراسنده مشترك اولان عرب حروفنى بىلا تغيير محافظه ايتمك ؛

(۲) بوتون اسلام قوملردى علم اصطلاحلرينك مشترك برحاله كتيرلمهسى ايچون اسلام امتى آراسنده اصطلاح قونغرولرى انعقاد ايتديرمك واصطلاحلرى توركجه دن، عربيدن وقسماده فارسيدن ياپتق ابوغايه نك وجوده كتيرلمهسى ايچون پارسده تورك ، مصرلى ، هندلى وايرانلى طلبه لر آراسنده براتفاق حاصل اولمشدى .]

(۳) بوتون اسلام قوملردى مشترك بر تربيه نك تاسيسى ايچون تربيه قونغرولرى انعقاد ايتدرمك ؛

(۴) بوتون اسلام قوملرك مفتى تشكىلاتلرى آراسنده دائمى بر ارتباط وجوده كتيرمك ؛

(۵) اسلام امتك تمثالى اولان (هلال) ك قدسييتى محافظه ايتمك .

بوعمده لردن آ کلاشیلورکه تورکچیلک عینی زمانده اسلامچیلقدرد.
یالکنز تورکچیلر اسلام امتجیسی اولق صورتیه کنیدیله (اسلام
ملتجی) لردن آیرد ایدرلر .

چونکه اسلام قوملرینه ملت دو یغوسنی نفی ایدن بویه غیرطبیعی
برأتحدادی بوکون ناتورکلر و عربلر، نه ندیلر و افغانیلر ، ندر بریلر
و فرسلر قبول ایده بیلرلر . تورکلر ملی مفکوره لرینی قوتلندرمک ایچون
دینداش و وطنداش لری اولان هیچ برقومه قارشو «ملی کین» تلقینه
یلمه دیلر . اسلام امتجیلکنی آ کلامامش اولان عدالله ندیملرک،
فراشه رلی نعیملرک بو خطالی یوله کیمدیله .

احتمال که مصرده و آرناوودلقدده خرستیان مصرلی و آرناوودلرک
موجودیت و مشارکتی بویاکلش حرکتیه سبیت ویرمشدی . تورکلرک
هپسی اسلام اولدیغی ایچون تورکچیلر هیچ برزمان اسلام امتجیلکنه
مغایر برحس بسله میه جکلردر . عینی زمانده تورکچیلر معاصر لاشمق
ضرورتی ده آ کلادقلری ایچون غیرمسلم قوملر حقنדה بومدنیت
عصرینک ایجاب ایتدیکی احترامکار وضعیتی محافظه ایده جکلردر .



- ۶ -

تربیه

اسلام تربیه سی دیتجه ایکی فکر خاطره کلیر: برنجیسی اسلامیتک
تربیه ده تطبیق ایتدیکی اصوللر ، ایکنجیسی یتشدریه جک چوجقلرک
اسلام عقائدینه کوره تربیه ایدلمسی .

اسلامیتک تربیه اصوللرینی تدقیق ایتک تربیه تاریخنه عائددر .
بزبومقاله ده تاریخدن دکل، بوکونکی حیاتدن بحث ایده جکلر ؛ اسلامیتک
تربیه مفکوره لردن بریسی اولدیغی کوستره جکلر .

برمكتب پروغرامنه كوز كزديرديكمز زمان چوجقلمزده اوچ
تورلو بيلكى اوكرتديكمزى كورورز . اولاملى لسان وادبياتمزي ،
ملى تاريخمزي اوكره تيورزكه تورك ديلندن وادبياتندن ، تورك تاريخندن
باشقه برشى دكلردر .

ثانياً قرآن كريم ، تجويد ، علم حال كبي دينى درسلا و اسلام تاريخى
ايلاه اسلام لسانلى اوقوتيورز .

ثالثاً رياضيات ، طبيعيات كبي علملى و بو علملى اوكرمه يارايان
اجنبى لسانلرله ال ايشلىرى ، ادمان كبي هنرلر اوكره تيورز . بوقيصه
كوز كزديرمه دن آكلاشيلوركه تربيه ده تعقيب ايتديكمز غايدلر اوچدر:
توركلك ، اسلاملق ، معاصرلق .

بر تورك باباسى ، چوجوغنك توركجه قونوشمامه سنه ، توركجه
اوقويوب يازمامه سنه ، تورك تاريخى بيلمه مه سنه رضا كوستره مز ؛ عيى
زمانده اسلام اعتقاد و عبادتلىرى بيلمه مه سنى ، اسلام تاريخندن بى خبر
قاله سنى ده تصويب ايده مز . بو بابا چوجوغنك تورك و اسلام اوله رق
بويومه سنى ايتديكى كبي معاصر برانسان اوله رق يتشمه سنى ده آرزوايدر
اوحالده بزم ايچون تام برتربيه اوچ قسمدن مركدر : تورك تربيه سى ،
اسلام تربيه سى ، عصر تربيه سى . تنظيماتدن اول چوجقلمزده يالكز
اسلام تربيه سى ويريلىوردى . تنظيماتچىلر مملكتمزده عصر تربيه سنى
صوقفه چاليشديلر . بدايته بو ايكي تربيه آره سنده بويوك چارپشمه لر
اولدى . يكيچرينك يرينه نظام جديدى اقامه ايتك كفر صايلدى .
اوروپا كسوده سنى كيمك دينسزلك صورتنده كورولدى . مكنتلره رسم ،
فرانسزجه كبي درسلك كيرمه سنه اعتراضلر ايدلدى .

ارضك كرويلكى ، كونسك استقرارى كبي حكملر ، نقله مغايردر
دينيلدى . تجربه و عقلاً ثابت اولان بو حقيقتلى تأييد ايچون ، هابيت ،
نقلى دليللر آرامغه احتياج مس ايتدى .

مع مافیه یاواش یاواش عصر تربیه سی یرلشمکه ، یرطوتمغه باشلادی . فقط مع التأسف ، اوقیمت بولدقچه اسلام تربیه سی اهمیتنی غیب ایتمه یوزطوتدی . واقعا مکتب پروغرا ملرنده دین درساری ینه مهم برکیت تشکیل ایدیوردی . فقط اسلام تربیه - سنک الحفظاتی کیمت اعتباریه دکل ، کیفیت جهتیه ایدی . دین درساری جانلی بر صورتده اوقوتولموردی . دین معلمری عامی حقیقتلره حالا بدعت نظریه باقیور ، بو صورتده طلبه نك اعتمادنی غیب ایدیوردی . بوندن باشقه دینی تربیه ده عامی اصوللر تطبیقنه ده هنوز باشلاما شدی .

ایشته بویه بر زمانده ایدی که تورک - اسلام عالمک دوچار اولدینی قاریشقلقلر و بونلری تعقیب ایدن فلاکنلر (تورک ملتجاسکی) و (اسلام امتجاسکی) ناملریه ایکی جانلی مفکوره نك تجلیسنه سبب اولدی . بوکون بومصیبتلرک ضرباسیله اویانان کنج ذکالرهز یتیمزک مسؤلیتینی تربیه ده کی مفکوره سزلکمزده غطف ایدیورلر . دیورلرکه : « بز کنجلرمزه نه ملی تربیه ، نه ده دینی تربیه و یرمک ایسته مدک . حال بوکه فردلری مقدس غایدر ایچون اولمکه سوق ایدن دو یغولر دین و ملیت حسلرندن عبارتدر . بزچو جقلرمزه تورک و اسلام تربیه لری و یرمدیکمز کی عصر تربیه سی ده و یرمدک . چونکه عصر تربیه سنک غایسی الکتورکی ملتلرک اعمال و استعمال ایتدکلری آللری بزمده یاپه بیلمه مز و قوللانه بیلمه - مزددر . حال بوکه بز اقتصاد عالمنده اولدینی کی عسکرلک دنیا سنده عصر مزک آللرینی قوللانمقدن عاجز اولدیغمزی کوستردک . علمک معیاری عملدر . عملده کی موفقیت سزلکمزله علامه کی بهر د سزلکمز ایثبات ایتدک . او حالده نه متخصص متفکرلر یتشدیرن عالی مکتبلر مز نه ده و طنداشلر یتشدیرمکه چالیشان تالی مکتبلر مز هیچ بر فائده تأمین ایدمه - شلردر . »

یکی حیاته قیمت و یرن مطبوعات بوکی اسلاملره استناد ایدره ک تنظیلمات

تربیه سنک افلاسنی اعلان ایتدی . شیمدی اوچ متفکر زمره یکی تربیه-
 مزك تمللرینی قورمغه چالیشور . تورك تربیه جیلری یکی حیاتده ملی
 مفکوره لرك ناصل بروطفه ایفا ایده جکنی کوسترکن عصر تربیه جیلری ده
 علملردن عملی واقصدادی فائده لر تأمین ایچون تدریسده هانکی اصوللرك
 تطبیق ابدلمسی لازم کلدیکنی ارأیه غیرت ایدیور . بوجاهده دورنده
 اسلام تربیه سنک استناد ایتدیکی اساسلری ده اراق اقتضا ایدر .

بو اوچ تربیه بری برینک معاون و مکملی اولمقله مکلمدلر . حال بوکه
 صلاحیتلرینک دائره لری و بودائرلرك حدودلری مسئول و متبع بر صورتده
 تعیین و تحدید ابدلمزسه یکدیگرینه معارض و مخاسم ده اوله بیایرلر .

عصر تربیه سی مادیات ساحه سنده فالما یه رق مسئولیت عالنه تجاوز
 ایتدیکی دقیقه ده اسلام و تورك تربیه لرینک حقوقه تعرض ایتمش اولور .
 ملی و دینی تربیه لرك حد دلرینی تعیین ایتک ایه ده کوجدر . اسلام
 عنغه لرندن هانکیلرینک دوغرودن دوغری به اسلامیه ، هانکیلرینک
 عرب ، فرس ، یاخود تورکه عائد اولدیغنی کوسترمک عمیق تدقیقلره
 محتاجدر .

بناء علیه (اسلام تربیه سی) اساس اعتباریه تورك و عصر تربیه لرینی
 قبول ایتمکله برابر بونلر طرفندن کندی ساحه سنه وقوع بوله حق تجاوزلره
 میدان ویرمکه چالیشه حق و عینی زمانده حقیقی اسلام عقیده و عنغه لرینی
 هم بدایتده عرب قومندن اشتغال ایدن ، هم ده بالآخره سائر قوملردن
 استعاره اولونان عادت و بدعتلردن تفریقه اقدام ایده جکدر .



— ۷ —

مفکوره

بر توخومک چیه له نهمسی برنجیسی آتی ، ایکنجیسی زمانی اولمق اوزره
 ایکی دوره به آریلیر : القاح دوره سی ، تعضی دوره سی . القاح حادثه سی

جرثومه لر ایچون یارایچی برواقه در . بو اولمادجی جرثومه تعضی ایده من .
عضوی بر جرثومه نك نشو ونماسنده اولدینی کبی برشاعرك
ابداغده ، بر فیلسوفك اجتهادنده عینی صفحه لری کورورز . شاعرك
ملهم اوله سی بر مخيله نك القاح اولونه سی دیمکدر .

فیلسوفه (حدس) ك سنوح ایتیه سی بر مفكر نك مابق اوله سندن
عبارتدر . بو القاح لر وقوع بولدقن صوکرادرکه شاعرك مخيله سی ،
فیلسوفك مفكره سی کبه قاله رق ایرکیچ ادبی یاخود فلسفی بر عضویت
دوغورر .

ملی بر شخصیته مالک اولمایان بر خلق ده عینله بر عضویتك
جرثومه سی کیدر . بونی برشاعرك مخيله سنه ، بر فیلسوفك مفكره سنه
بکزه ته بیلیرز . او حالده ملتکده القاح و تعضی دوره لری اولق لازم کلیر .
بر ملت بویوک بر فلاکته اوغرادینی ، قورقونج بر تهلکه
قارشیسنده بولوندیغی زمان فردلرنده کی شخصیتلری بلع ایدر : اوزمان
عمومك روحنده یالکز (ملی بر شخصیت) یاشار ، بوتون قلبلرده بو
(ملی شخصیت) ی ادامه ایتک تهالکندن باشقه بر دوینو قالماز .
بو هنکامده فردلر کندی حریتلرینی دکل ، ملتلرینک (استقلال)
ینی دوشونورلر . ایشه او معزز دوینو ایله قاریشیق اولان بومقدس
دوشونجهیه (مفکوره) دینیلیر و بو بحرانی دوره یده (القاح دوره سی)
نامی ویريله بیلیر .

بحرانی زمانلر مفکوره لرك خلقت کونلریدر . مفکوره لر ، ملی
فلاکتلرك قلبلری برلشدیردرك عمومی برقلب یاپدیغی هنکاملرده ،
بومتحد قلبدن دوغار ؛ صوکرده تعضی دوره سنده تدریجاً دال بوداق
آه رق چیچکلر ویکی مؤسسه لر میدانه کتیریر .

(جرمانلق) مفکوره سی ؛ پروسیانک ناپولیون اوردوسی طرفندن
تذیل ایدلدیکی بویوک فلاکت آئنده فوران ایتدی . اوزمانه قدر

(ملتم نوع بشر در ، وطنم روی زمین) دین فیلسوف فیخته بیلہ
 او آندہ ایلکیرینہ قدر جرمان اولدیفنی حس و اعلان ایتدی .
 (ژاپونلق) مفکورده سی ژاپونیا نیک آمریقایلر و اوروپایلر طرفندن
 تہلکملی و محقرانہ بر صورتده تضییق ایدلدیکی دقیقهده انفلاق ایتدی .
 فرانسزملتی انکلیز استیلاسی آلتندہ مضحیل اولمق اوزردہ ایکن
 ملی وجدان مجذوب بر کویلو قیزدن فیشترہرق اونی کندیسنه برمنجی
 یاپدی . بنی اسرائیلک مصرده تدمیرہ محکومیتی موسویلکی ، یهودیلکک
 روما استبدادی آلتندہ کی متهوریتی خرستیانلنی دوغورمشدی .
 اسلامیتک طلوعی ده عربستانک اوچ طرفدن سیاسی و دینی استیلارہ
 معروض بولوندیفنی مہلک بردقیقہده وقوع بولمشدی .

برملت تہلکده قالدیفنی وقت اونی فردلر قورتارماز ؛ بالذات ملت
 کندی کندینک قورتاریجیسی اولور . اودقیقہده فردلرک فوق الناسوت بر
 روح ایله مسخر اولدیفنی ، فردی اراده لر سکوت ایدرک عمومی بر
 اراده نیک بوتون وجدانلرده (نفس متکلم وحدہ) کسلدیکنی کورورز .
 ملت ، فردلرینہ سماوی یا خود اجتماعی بر مفکورده صورتندہ تجلی
 ایدرک اوللری موعود بر مظفریتہ ، مبشر برجتنہ دعوت ایدر .
 خودکاملردن جانسپار مجاهدلر ، قورققلردن تہلکہ جو قهرمانلریا پار ؛
 غیلرہ ذکا ، تنبللرہ فعالیت ، لاقیدلرہ غیرتکشلک ویرر .

فلاکت و بحران دوری کچدکن صوکرده روحلرده طلوع ایتمش
 اولان بومفکورده کواشی آرتق سونمز . او ، ملتک بوتون فعالیتلرینی
 درونی برزنبک صورتندہ مستمر آتحریکده دوام ایدر .

بیض (ovule) تعضیسی ایچون لازم اولان حیاتی حملہ یی حوینک
 القاحندن آلدیفنی کبی ملتی تشکیل ایدن مؤسسہ لرده انکشافلرینہ خادم
 اولان (تکاملی انطاف Direction evolutive) ی مفکورده دن آلرلر .
 برملتک خصوصی حرث و مدنیقی آنجق بوصورتلہ تشکل ایدہ بیلر .

فلاکت زماننده فردلرینی کندی روحنده بلع ایدن بر ملتک
بحرانی حساسیتندن انفلاق ایدن حقیق منکوره لر استقبالك خالق لیدر.
آنی ترصد ایتک ایچون المزده مادی آلتلر یوقدر ، فقط بو خصوص
ایچون معنوی مرصادلر مز واردر که مفکوره لدر .

بر مات یارایچی مفکوره سنه مالک ارلدقدن صو کرا آرتق مظالم
براستقباله دوغرو کیتمز ؛ موعود ، مبشر بر (ارم) هر کون دها
واضح ، دها جانی بر صورتده تجلی ایدر که اونی کندی سنه چاغیر بر .
مفکوره سنر دولتلر هر آن قوی دجق بر قیامت بر کلر لر ؛ مفکوره لی ملتر سه
سیاسة آخرته انتقال ایتمش اولسه لر یله محقق بر (بعث بعد الموت)
ایله مبشر ددر لر .

او حالده دبر یلتیجی و یارایچی بر مفکوره یه مالک اولان دولت
لایموتدر ، اولمز .

« فردلرده - یوفاریدن آشانغی بر تأثیرله آرزولری یکه چک - بر
اراده قوتی وارمی ، یوقمی ؟ » ندیه اوغراشان روحیاتجیلر بهوده مناقشه
ایدیور لر : ایکی طرفکده حق وار ! مفکوره لی بر ملتک فردلری
اراده صاحب لیدر . مفکوره سنر ملترده ایسه اراده لی فردلر بولونا ماز .
یوکسک بر اراده ی دلالت ایدن بزرگ فراغ لر ، خارق العاده فداکار لقلر
مفکوره یی دوغوران بحرانی هنگاملرده تجلی ایده ییلر :

فرانسه انقلابنک بدایتنده ، ملت مجلسنک غلیانی بر اجتماعنده ،
بوتون اصیلزاده لر زادکاناق حقوقندن و از کچدی لر . کوچوک آلمان
دولتلری ۷۰ محارب سنت ملی حمله سنک تأثیرله استقلاللرندن فراغت
ایتدی لر و پروسیای متبوع طایدیلر . زاپونیانک « یا شرفیله یا شامق ،
یا ناموسیله اولمک » مجبوریتنده فانی بر زمانده ایدی که کندی اختیار لریله
شوغون سلطنتی ، زاده کان زعامتلرینی فدا ایتدی و میقادوینه کندی
اختیار یله مطلقیتندن فراغت ایدر که ملتک حاکمیتی اعلان ایلدی .

بواراده‌ی فوق‌الفرد بر قدرته عطف ایدن قدیم (جبریه) مسلکی ده
 حقلیدر؛ چونکه فردلرده‌کی اراده‌ی یاراتان وسوق واداره ایدن
 مفکوره‌در؛ فرد بوملی (نوفیق Grace) که الهاملری کنیسنک شخصی
 اراده‌لری ظن ایدر: بونلرک ملتک روحندن ملهم اولدیغنی دوشونه‌مز.
 مفکوره، قدرتی یکی شکله اظهار ایدر:

اعجاز (prestige)، تأیید (Sanction). اعجاز مفکوره‌نک
 روحلره دوعرودن دوعروه تجلیسیدر. فردلر مفکوره‌لی اولدقلری
 دقیقه‌لرده روحلری شدید بروجده (Enthousiasme) ایله دولار.
 مفرط، غلیانی، شدید بر حیات یاشارلر؛ چیاغین بر هیجانک ایچنه
 دالارلر. فردلرک بو آنده قلملرنده دودقلری حس (قدسیت) دیغو-یدر.
 بوطاسقین روحلر مفکوره‌لری واکا معاون اولان شیلری (تقدیس)،
 مخالف و معارضلری (تلعین) ایدرلر. مفکوره اوغرند چیانلری، منفعللری
 سعادتلری فدا ایتمکله قالمازلر، اولی یوکسلتلری تحیل واعلا ایتمک،
 واکا مخالف اولان شخصلری و شیلری ییقماق، یا قماق، پارچه لامقده
 ایسترلر.

مفکوره بواعجاز قوتیه فردلری اجتماعی سائر فی المناظر حاله
 قویار، روحلریه ویردیکی جذبه‌لرله اوللری فوق‌الانسان خارقه‌لر
 اجراسنه سوق ایدر.

مفکوره‌نک تأیید قوتیه کلنجه، بو، اعجاز قوتنک بر نتیجه-یدر.
 مفکوره‌نک تجلیسنه فارشی قدسی بر عشق ایله مسخر اولمایانلر اولک
 قدرتی بالواسطه حس ایدرلر. مفکوره‌یه موافق یاخود مغایر اولان
 حرکتلرینک، مفکوره‌نک مسخر جماعتی طرفندن بر عکس‌العمله معروض
 اولاجغنی آکلارلر.

مفکوره‌لی جماعتک تقدیر یاخود تقییح صورتنده تظاهر ایدن
 بو عکس‌العملی مفکوره‌نک تأیید قوتیدرکه بدایتده تعیندن محروم

اولدینی ایچون (عرف) صورتنددز. بالآخره تعضی ایدرک (قانون) شکلی آلیر. اعجاز مفکوره نك جمال صفی، تأییدسه جلال صفتیدر. مفکوره بو ایکی صفت یاخود قولیه فردلری عینی معنویتده برلشدیردک عمومی متجانس برروح ماهیتته افراغ ایدر. برچوجق (بن) دویغوسنی حس ایتدیکی کونه قدر غیر شخصی احتساسلرله یاشار؛ (بن) دویغوسنی حس ایتدیکی دقیقه ددرکه او آنه قدر مهم بروارلق حساسیتی ایچنده قالمش اولان شخصیتی انفلاق ایدر. چوجق ایچون (بن) دویغوسنی حس ایتک ندیسه ملت ایچون ده مفکوره سنی ادراك ایتک اودر. فقط ملت بئلکینی آنجق بویوک فلاکتلر زماننده حس ایدیه یایر. مصیبتلر زماننده کی ملی بحران، اجتماعی برجبریلدرکه داغیق برخلقه برملت روحی، برعائله وجدانی نفخ ایدر. ملته بو روح نفخ اولوندقدن صوکرادرکه، اوکیم اولدینی، زردن کلدیکنی، زردیه کیده جکنی، ناصل بر تاریخی وظیفه ایفا ایدیه جکنی سز مکه، آکلامغه باشلار.

هامش:

مفکوره یه (خیال)، (غایه)، (امل)، (دیدک) دینلر وار. یوقاریده کی ایضا حلدن آکلاشدینی اوزره مفکوره برملت طرفدن ماضیده بویوک بر بحران زماننده حقیقه^۱ یاشامش روحی برحالت، ذهنی بر موجودیتدر؛ نه یاشامش برخیال، نه ده استقبالده یاشانه جق برغایه در.

مفکوره حالک مریسی واستقبالک خالق اولمقه برابر ماضینک برشأنیتیدر. ملتک ماضیسندن کلوب اوئی استقبالنه دوغرو ایتن فکری برحمله سیدر. او حالده (iaée) دن مشتق اولان (iaéal) کبی، (فکر) دن مشتق اولان (مفکوره) یی بو موقعده استعمال ایتک داها مناسبره.



تور كچيك حقنده نه قدر صريح ايضاحلر و يريليرسه و يريلسين ينه بعضى ذهنلر تردددن ، بعضى فكرلر مبهيتدن قور توله ميور .

مفكوره لر بر قدسيت هاله سييله محاط اولدقلى ايچون قولايجه تحليل ايديله مزلر . بونلر ك اقناع قدرتي ، منطقي وضوحلرندن زياده معنوي اعجازلرنددر . فقط زمان كچد كجه ايلك كور قاماشمه سي آلامغه ، وضوح و صراحت احتياجي چو غالمغه باشلار . بناء عليه بوكون « بر تودك ماتي وارميدر ؟ يا خود بويله بر مات ياپيله بيليرمي ؟ » صورتند بر استفهام صداسي ايشنديكمز زمان حيرت ايتمه لي ز .

في الحقيقة ، قازانلي بر تودك كنجي بوراده كي تور كچيك پيشوالرندن بر ذاته بو مآله بر سؤال صور مشدر . عمومي بر اهميتي حائر اولان بو خصوص حقنده هر كس دوستونديكني سويلايه بيلير . بناء عليه تعميقنك لزومه قائل اولديغيم بو مهم مسأله يي مناقشه ساحه سنه وضع ايدييورم . قازانلي كنج دييوركه : بنم ملتيم اوز بكاري ، قير غيزلري ، تور كملري ، سارتلري ، عثمانلي ، تانار ، و آذربايجان توركلريني جامع اولان بويوك توركلكميدر ؟ يوقسه بو اولوسلردن هر بريسي باشلي باشنه بر ملت اولديني ايچون بنم ملتيم ساده جه (تانارلق) ميدر ؟ يعنى توركلك تك بر ملت حالندمي قاله جق ، يوقسه بر چوق ملتلي محتوي اولان بر مجموعه حاله مي كچه جك ؟

بو سؤاله كنديلكندن قطعي و صريح بر جواب و يرمه مكله برابر استقبالده ايكنجي شك تحقق ايده جكنه ايكي دليل ايراد ايدييور . برنجي دليل : يوقا ريده تعداد اولونان تورك اولوسلري بري برندن اوزاق و اختلاطلري آز اولديغندن كيند كجه لسان اعتباريله آرياه جقلر و مستقل اديياتلره مالك اولملر ده بو افتراقى چابو قلاشديره جقدر .

ایکنجی دلیل : شمال تورککاری روس حرثی (Culture) ایله پرورده اولدقلری حالده، عثمانلی تورککاری فرانسز یاخود آلمان حرثلرندن فیض آلیورلر. بو صورتده تورکلک حرث و مدنیت اعتباریله ده ایکی متباعد پارچه یه آیریلبور دیمکدر .

برنجی دلیله جواب : تورک اولوسلری پوسته ، تاغراف ، و مطبوعات کبی تعارف واسطه لرینک موجود اولمادینی زمانلرده لسان و ادبیات اعتباریله بری برندن اوزاقلاشه بیلیرلردی . ناصل که وقیله ساجچوق و چغتای تورککاری عینی زمانده و بری برندن خبردار اولمقسنن کندیلرینه مخصوص برر آیری ادبیات تأسیس ایتشلردی . تورکلرک اسلامیدن اول بکدیرندن خبرسنز اوله رق مختلف دسلره کیرمه لری ، مختلف یازیلر قبول ایتلری ده بو اوزاققلک و تماسسنز لکک نتیجه سی ایدی . مع مافه بو اوزاقلاشه بوتون تورکلرک محضا قومیت دویغوسنک الهامیله متحدا اسلامی قبول ایتمه لرینه مانع اولمادی .. فقط بر زمان کندی که یه اوزاققلک تعارفسنز لکک تأثیر یله تورکلرک بر قسمی فارسیلره اوباروق سیجیلکه میل ایتدی . فقط بو کون قومیت دویغوسنک مذهب اختلافنی بر طرف ایتکه موفق اولدیغنی کور میوردی یز ؟ اوت ، جهالت دوری بزقاج عصر دها دوام ایتش اولسیدی ، تورکلرده لسان و قومیت اعتباریله بر چوق ملنلره آیریه جقدی . ناصل که اسلاملر ، لاینلر و کردلر قدیم زمانلردن بری متعدد قوملره آیرلشلردی . (بو کون کردلر بری برینک لسانی آکلا ساییان بش قومدن متشکلدر .) فقط تورکلر کوجه حیاتی یاشادقلری ایچون ماضیده بویله بر افتراقه اوغر امدیلر . عرب عشیرتلی واسم بر ساحه ده ساکن اولدقلری حالده کوجه لک دولایسیله دائمی بر تماس و اختلاط حالده بولوندقلری ایچون عرب لسانی وحدتی محافظه ایتشدی . تورکلر ایچون کوجه لک ، کوله منلک و مهاجرت عامللرندن باشقه مه ته ، قومه نه ، بیلکه خان ، کاشغر خاقانلری ، ساجچوق ، جنکیز ، تیمور استیلاری کبی

براشد یریحی، فاینشدریحی بویوک هنکاملرده تکرردن خالی دکندی. بوندن دولاییدرکه بویوکون تورکلرک همان کفہسی بری برینک لسانی آکلار ر قوم حالنده در. وطانشمه دوری باشلادیغی ایچون آرتق اوزاقلاشمه لری امکائی یوقدر.

تورکلرک لسانجه اوزاقلاشمهاملرینه تورکجه کتابلرک اوئوسلر آردسندہ تداول ایتمهسی ده باشلیجه بر سیدر. بر طرفدن چغتایجه دیوانلر غرب تورکلری طرفدن اوقونور، دیگر جهتدن ده عثمانلیجه اثرلر صندیق صندیق قریمه، قازانه، وافتاسیه یه، تورکستانه کونورولوردی.

عثمانلیجه کتابلرک انتشاری بالخاصه تورک تعارفدن سوکرا سدت بولدی. ابتدا قریمده وافتاسیه ده استانبول ادبیاتی تقلید ایدلمک، استانبول تورکجه سنه یاقلاشمه باشلانیدی. سوکرا بو حرکت قازانه و تورکستانه سرایت ایتدی.

فقط بوضرا ده بویوک بردوشمان اوچ صورته تاثیر اجراسنه باشلایارق بودیل برلشمه سی حرکتی دوردرمغه چالیشدی.

(۱) سوسیالیزم: تورکلرک منافع ملیه سی ایچون بویوکون الویریشلی اولمایان بر فکر وارسه، هیچ شبهه سز، سوسیالیزمدر. چونکه ملیت فکرینک دوشمانیدر. حال بوکه تورکلری هر تورلو اضمحلالدن قورتاده حق عامل آجق ملیت فکریدر. بوندن باشقه سوسیالیزم طبیعی اولارق بویوک صنایعدن دوغاز. تورکلرسه هنوز سوسیالیزمی دوغوره حق درجه ده بوساحه ده یول آلامشلردر.

شمال تورکلری آردسندہ غیر طبیعی بر صورتده او یانمغه باشلایان سوسیالیزم فکری موقی Régionale ادبیاتلر تأسسی انتاج ایتدی. حال بوکه برتک لمانه مالک اولان هر قومک خلق قونوشمه لری بری برندن بوس بوتون باشقه در. محلی سیوه لری یازی لسانی حاله صوqq، بونلردن برادیات چیقارمق ملی برتک ایچون بویوک برتهلمکدر. مثلا

يالكز توركيه داخنده هر محلك خلق ديليله ادبيات تاسيسنه باشلانسه
يوزلرجه تورك لساني تگون ايدر. بوحالك تطيقي بوتون ملتير ايچون
اك مدھش براولومدر.

(۲) اميدسزلك: اوروپا غزتلر دئائمتوركيه نك ضعفندن، ياشامغه
استعدادسز لغندن بحث ايتديلر. اوروپا آزانسلى ده هر زمان بومقصده
خادم حوادثلر نشر ايتدى. شالده كى تورك غزتلرينك ده بعضيلرى
بودخواهانه ارجوفه لرى دوستونمكسز ين نقل ايتديلر. بوسورتده
توركلرك مدنى قابليتندن اميد كسيلمكه باشلادى. او حالده صنعى برتاتار
مدنيق يايىق خاطره سى دوغمنه يوز طوتدى.

حال بوكه، تاتار كله سى اسكى تورك تاريخنده بو كونكى شال
توركلريه هيچ رمناسبتى اولمايان يابانچى برقومه ويرلش مذموم راسمدر
نه جنكيز، نه ده تمور تاتارلرى سومزدى. ديمك كه تاتارلر تورك
اولمادقلى كى، مغول ده دكلديلر. او حالده، روسلرك هم تحقير، هم ده
توركلرى برى برندن تفريق ايتك مقصديله اسناد ايتدكلرى بوتعيرى
شال توركلرى قبول ايتمه مريدلر شال توركلرى اكثريتله قبحاق
توركلريد.

(۳) مكتب تضيقاى: بعضى حكومتلر، مختلف تورك اولوسلرينك
برى برى تدريس وتربيه ايتمه نه مانع اولغه باشلاديلر. هر اولوسه
مخصوص كتابلرك ديكر اولوسلرك مكتبلرنده اوقونمه سى منع اولوندى.
بوندن باشقه مسلمانلر ايچون هر محله كى آنا ديلينك تدريس لساني
اولمه سى ايلرى سورولدى. بوتون بوتضيقلردن مقصد تورك ملتى
متعدد قوملره پارچالامق اولدينى آچيقدن آچيغه آكلاشيلور. برقومى
بوتىق ايچون پارچه لامق لازمدر، ملتى پارچه لامق ايچون ده ابتدا لساني
پارچالامق اقتضا ايدر. بونى يايانلرك بعضيلرى سلهرك ياسورلر؛ بعضيلرى ده
ييلمه دن ياپورلر.

ایشته بواوچ واسطه ایله تورک لسانی پارچالانمغه، متعدد ادبیاتلر
 تشکل ایتکه باشلادی. بونک تهلهکمنی حس ایدن قاضی رضاءالدین و
 موسی بیکیف افندیلر کی حیثیورلر یازیلرینی هپ عمومی تورکجهده یازمغه
 دوام ایتدیله. قریمه منتشر «ترجمان» غزنیسی ده قدیم «فکرده برک» دیلده
 برک، ایشده برک «دستورخی تعقیده دوام اندیور. باکوده چقان «شلاله»
 مجموعه سی دوغروندن دوغرویه اسکی عثمانلیجه نی ایلری سوریور.
 او حالدده روسیه تورکلرنده ایکی جریان وار: برنجیسی محلی لهجه لره
 قیمت ویرمک، ایکنجیسی استانبول تورکجه سی ملی لسان اوله رقی قبول
 ایدرک بولسانی تعمیمه چالشمق.

برنجی جریانده قایلانلر هیچ شبهه سز یلمکمزین تورکک دوشمنلرینک
 امکنه باغ سورنلردر. حقیقی بر تورک وجدانیله دوشونلرسه
 ایکنجی جریانده میل ایدیورلر. بوتون تورک لهجه لرندن مرکب اولمق
 اوزرده صنعی بر صورتده عمومی بر تورکجه یاتمق قابل اولمادیغی ایچون
 بو جریانلره بر اوچنجیسی انضمام ایتمه مشدر. موجود لسانلرک هپسی
 لهجه لرندن و محلی قونوشمه لرندن مرکبدر. هر لسان مطلقا بر لسانی
 کثرت حالدده در. فقط دقتله باقیلنجه بو کثرتک فوقده بر ادبی وحدت
 اولدیغی کورولور. هر ملت ایچون پای تحت لسانی سیاسی برشانه، اجتماعی
 بر اعجازه مالکدر. تارد دیورکه «فتودالیزم دورنده شان، زادکان
 صنفنده در. حکمدارلق تشکل ایتدکن صوکر اشان پای تختده تجلی
 ایدر» شانه و اعجاز ملتک اجتماعی وجدانک محک و معیارلریدر. ملت بوتون
 قیمتلری بو محک یاخود معیارله تقدیر ایدر.

استانبولک بر پای تحت اعجازینه مالک اوله سی یالکیز عثمانلی
 تورکلرینه نسبتله دکدر. استانبول یکانه تورک خاقانلغک اوردو
 کندیدر. (اوردو کند: پای تحت) بوسیلله بوتون تورکلرک قبله کاهیدر.
 بوندن باشقه استانبول اسلام خلافتکده مقریدر. او حالدده

استانبول ملی اعجازدن باشقه دینی برقدسیته ده مالکدر. استانبول تورکجه سنک بوتون تورکگرجه ملی لسان اولمه سی بواعجاز و قدسیتک لسانده انتقالی دولایسیله در. فضله اولارق استانبول تورکجه سی تورک لهجه لرینک اکوزلی، اکایشله نمشی، ادبیات و علمجه اکزنکیندر. احوالده کوستریله جک مانعه لره رغماً استانبول تورکجه سی ادبی لسان اتخاذا تمک بوتون تورکگر ایچون ملی بروظیفدر. بووظیفه ایفا ایدلدیکی زمان بوتون تورکگر لسان وادیاتده مشترک وتک برملت حالته کیره. ایکنجی دلیلله جواب: تورکجیلکک غایاسی برتورک حرثی یاراتمقدردر. بوحرث طبعی شرق، شمال و جنوب تورکگری ایچون مشترک اوله جقدردر. احوالده غرب تورکگرینک فرانسز حرثه، شمال تورکگرینک روس حرثه مقلد اولمه لرندن چیقاق محذور زائل اولور. تورککرک یالکز برحرثی اولمالی و بوده کندیلرینک یاراتدینی برحرث اولمالی.

تورک آلمانلاشدیجه، یاخود فرانسزلاشدیجه و یاخود روسلاشدیجه پارچالانیر، فقط تورکلاشدیجه ملی وحدتی ده ازیاده قوتلنیر.

خلاصه، استانبول دیلک ملی لسان اتخاذا و اوروپا مدنیتی ایچنده برتورک حرثی ابداعنه چالیشلمه سی برتورک ملتک تأسسنه خادم اوله جق و عثمانلی، قیچاق، اوزبک، قیرغیز کی تعبیرلر منطقه اسملری حکمنده قاله جقدر.

تاتار کلمه سنه کلنجه، علمی تدقیقلر نتیجه سننده بوکله نک شمال تورکگرینه غرضکارقله اسناد ایدیلش برتعبیر اولدینی اکلاشیله جق، بوصورتده تاتارجیلق جریانی ده افلاس ایده جکدر.

یا، احوالده بوعمومی تورک ملتک وطنی نرسیدر؟
بوکا جواباً دیرزکه:

وطن نه تورکیه در تورک ایچون نه تورکستان؛
وطن بویوک و مؤبد برئولکه در: توران..!

توران توركلرك آفرادينى جامع واغيارنى مانع اولان مفكوروى
وطنيدر .

توران توركلرك اوتوردىنى ، توركله نك قونوشولايدى بوتون
توركلكلر ك مجموعيدر .



— ۹ —

ملت ووطن

بوگون انسانك طبیعه قارشى آلدىنى وضعیت غایت واضحدر :
طبیعی حادثلری ترصد و تجربه اصولاریله تدقیق ایدرلك طبیعتك
قانولرنی كشف ایتك . حال بوكه بر قاج عنصر مندم حال بویه دكلدی .
طبیعیاتچیلر شایقی Réalité ترصد و تجربه آله آله لزوم كورمورلردی ؛
اشیای آكلامق ایچون عقلی مبدألری بيلمك واستدلال طریقله بونلرك
منطقی نتیجه لری چیقارمق كافی كورولوردی . مثلاً ، طوبراق ، صو ، هوا ،
آتش دینیلن دورت عنصرك تشكلی شو صورتله ایضاح ایدیورلردی :
برودتله ییوستك برلشمه سندن طوبراق ، برودتله رطوبتك برلشمه سندن
صو ، سخونتله رطوبتك برلشمه سندن هوا ، سخونتله ییوستك
برلشمه سندن آتش حصوله ككشدی .

دیمك كه طبیعتك بودورت مبدأی — سخونت ، برودت ، ییوست ،
رطوبت — آله اولونجو طبیعات علمی استدلال طریقله تأسیس ایتك
غایت قولایدی ؛ مع مافیه بوحرکت یالكز نظریاته منحصر دكلدی ؛
هیچ اولمازسه اختیاری empirique بر تجربه مستند اولمه سی لازم كن
عملیاتده عینی اصول تطبیق اولونیوردی : خسته لقلر مزاجده یا
رطوبتك ، یا ییوستك ، یا خود برودت و سخونتك غایبه سندن حصوله
كلور ، قوللانیلان علاجلركده آنجق بوخاصه لرندن استفاده ایدمك

— ۴۹ —

۴ — توركاشك

ایسته نیلوردی. مثلا برخسته لق مزاجك برودت ویبوستدن حصوله
ككشه ویریه جك علاج طبعا خارویایس اولمایدی.

بوكون طبیعیات ساحه سنده آرتق بویه بر (مفهوم اصولی) بر بوله میور.
مملکت مزده مادی وطبیعی علملرله اشتغال ایدنلر یالكز ترصد و تجربه یه
اهمیت ویریورلر، مفهوملری شأیتدن چیقارمغه چالیشیورلر.

حال بوكه اجتماعیات ساحه سنده کی دوشونجه لر مز تمامیه اسکی اصوله
تابعدر. یعنی اجتماعیانه دائر یازی یازانلر مز مفهوملری شأیتدن دكل،
شأیتی مفهوملردن چیقارمغه اوغراشیورلر.

بوكون مطبوعا مزده اجتماعی مناقشه لر زمین اولان اوچ مفهوم
وار: توركچكك، اسلامچیلق، عثمانلیچیلق.

بو مفهوملر اجتماعی موجودیتلر ك تماللری حاله کیرمدكجه، قیمتلری
اجتماعی شأیتدن آمادقجه هیچ بر معنایی حائر اوله مازلر. سنه لرجه
بوكله لر اوزرینه مجادله ایدیلسین، ولود هیچ بر نتیجه چیقماز.

اجتماعی شأیته باقارسق کورورزكه بر اسلام امتی، بر عثمانلی دولتی،
بر تورك ملتی، بر عرب ملتی وار. بو حکملر ك شأیته مطابق اوله سی ایچون
طبیعیدركه (امت) كله سنك بر دینه متدین اولان فردلر ك مجموعه،
(دولت) كله سنك بر حكومتك اداره سی آلتنده بولونان فردلر ك مجموعه،
(ملت) كله سنك بر لسانله تكلم ایدن فردلر ك مجموعه اصطلاح اوله رق
استعمال ایدیله سی لازمدر. بوكله لر ك بو معنالرده اصطلاح اوله رق
قوللانیلمه سی قبول ایدنلر ایچون یوقاریده کی حکم دوغرو، یعنی
شأیته مطابقدر.

او حاله بو حکمی قبول ایتمه نلر معنالك شأیته مطابق اولمادیغدن
دولای دكل، بو اوچ كله نك شو معنالرده اصطلاح اتخاذا ایدیله سی
موافق بولمادقلرندن دولایی استنكاف ایتمش اولورلر.

بر طرفدن اسلامچیلر دییورلر كه (ملت) كله سی سزك (امت)
تعبیرینه تخصیص ایتدیككز معنایه دلالت ایدر. حتی بوكله عربجه ده

(مذهب secte) معناسه در . بواعتراضه قارشى دينيه بيلير كه لسانك اكلىق هر كه نك بر معناسى و هر معنانك تك بر كه سى و خصوصيله هر معنائى افاده ايده جك كه لرك بولونم سيله قائمدر . بونى سز يانماسه كزده لسان كندى كندينه ياپار . ايسته بونك ايچوندر كه بر دينله متدين اولان انسانلرك مجموعه امت و بر لسانله قونوشان انسانلرك مجموعه (ملت) دينلمكه باشلامشدر . مادام كه اكثريت بوكه لرى بو معنالرده استعمال ايدييور ، سزده بونى قبول ايديكز . اصطلاح مسئله سنده مشكلات چيقارمق دوغرو بر حركت دكلدر .

ديكر طرفدن عثمانليجيلر ديورلر كه دولت كله سيله ملت كله سى مترادفدر . بر دولتك تبعه سنك مجموعى بر ملتدر . اجتماعى شائيتنه اهميت و يرمه يرك يالكز بو مفهوملر آرد سنده كي مناسبانه باقارسق بو كله دوغرو اولمق لازم كلير .

واقعا بر دولتك عموم تبعه سنك عىنى لسانله متكلم اولمىسى ، يا خود عىنى لسانله متكلم اولانلرك مستقل بر دولت تشكيل ايتمىسى طبعه دها موافق ، آرزويه دهاملمايدر . فقط دولتلر شائيتنده ، نفس الامرده بويله ميدرلر ؟ شهه سز كه دكلدرلر .

اوحالده ، اولانى كورمه يرك اولمىسى لازم كلن سىئى وار ظن ايتمك ناصل جائز اولور ؟

توركجيلر بو ايكي زمرة نك مدعاليغى تنقيد ايتد كدن صوكر ا شو ايكي نتيجه ي چيقارييورلر :

(۱) امت باشقه شى ، ملت باشقه شيدر .

(۲) دولت باشقه شى ، ملت باشقه شيدر .

بو نتيجه لره اعتراض اولنه بيلير ، فقط يالكز اجتماعى شائيتنه مطابق اولوب اولماديغى آرامق نقطه نظرندن ! يوقسه « بويله اولماليمدى ؟ » ديه يرك دكل !

بۇ مەھۇملارنى شائىتە اويدورۇپ بىلىز؟ فقط شائىتى كەندى
مەھۇملارنى اويدورۇپ ماڭا!

مە ماقىيە (امت ، دولت ، ملت) مەھۇملارنىڭ خاراكتېرى شائىتلىرى
بىر بىرگە بوس بوتون آرى دەڭدەر . امتلە ملت آرسىندەكى مەنسەپ
(عموم) لە (خصوص) آرسىندەكى مەنسەپ كىيىدۇ . امت بىر دىنلە متدىن
اولان ملتلىك عمومىي جامە بويۇك بىر مەھەددۇر . بۇندىن باشقا ملتى
تەشكىل ايدىن فرىدلىر بۇكۇن ملتىك لىسانىلە مەتكۇم اولانلار دىڭدەر . يارىن
بولساڭا قونۇشەتتى اولانلار بۇز مەھەتكۇم اچىدەدۇر .

مەلا بۇكۇن بۇ ماقالىر بولغاچچە ، كىرىدەكى مەسلىھەتلەر رۇجە
قونۇشەتلىرى ھالەدە يارىن مەسلىھەتلىك تەئىرىيە تور كەتتى او كىرەچەكلىر
بۇكۇنكى لىسانلارنى ترك ايدەچەكلىدۇر . او ھالەدە بىر ملتىك فرىدلىرى يالەكلىز
لىسانلارغا دىڭل ، دىنلارغا تەئىن ايدىيور .

(دولت) لە (ملت) آرسىندە بىر دىنلە مەھەددە بىر دىنلە مەھەددە
مەنسەپتى مۇجۇددۇر . مەلا عثمانلى دولتى بىر اسلام دىۋانىدۇر ، يەنى مەسلىھەت
مەلتلەرە استىداد ايدىن بىر دولتىدۇر . عثمانلىلەر كەتتە بىر بىر عرفان و ھىرئە
استىدادكە تەشكىل ايدىن ايكى بويۇك غەنىمەت تور ك و ھىرئە مەلتلىرىدۇر .
او ھالەدە عثمانلى دولتى (تورك - عرب) دىۋانىدۇر دىنلە بىلىر .

سۇراسىدە اونۇ تولىملىدۇر كە تور ك و ھىرئە مەلتلىرى يالەكلىز عثمانلى
مەملىكەتلىكى تور كىرە و ھىرئە مەھەددە دىڭدەر . ھال اسارتدە بولۇغان
لىسانلارغا دە بۇ مەلتلەرە داڭدەر .

شىمىدىدە (وطن) مەھۇمەنە كەلم . وطن ، اوغرىنە ھايتلار فەدا
اولۇغان مەقدىس بۇتۇلكە دىمەكلىدۇر . نەسىل اولۇپ دۇدە بوتون دىكەر بۇتۇلكەلر
غىر مەقدىس ايكىن (وطن) دىنلارنىڭ مەقدىس طائىلىور بۇتۇلىق مەقدىس
طائىنلار ھايتلارنى ، ئائىلەلارنى ، كۆپلەپ سودىكلىرى شىلرى بۇتۇلكەنىڭ
اوغرىنە فەدا ايدىيورلار؟ ھىچ شەھەسز بۇتۇلكە مادى طەبىقىي اعتبارغا
بۇ قەتتى ھاىز دىڭدەر . مەلقا بۇ قەتتى مەقدىس بۇ مەھەددە بولۇپ .

بو مقدس موجودیت نه اوله بیلیر؟ دولتمی؟ یوقاریده کوردک (دولت) ده
کندی کندینه قائم بر قدرت دکلدر، بوده قوتی (ملت) له (امت) دن
آلیور: شرف المکان پالمکین. او حالده مقدس موجودیت اوله زق یالکز
بو ایکی شی وار: (ملت) له (امت) .

مقدس سائیتلر ایکی اولونجه بونلرک تمانی، یاخود قرارکاهی اولان
وطن ده ایکی اولمق لازم کلیر: امتک وطنی، ملتک وطنی .

فی الحقیقه بر اسلام وطنی واردرکه بوتون مسلمان ملتلرک سوکیلی
یوردیدر. دیکری ملی وطندرکه تورکلر کندیلرینککنسه (توران) نامنی
ویریورلر. عثمانلی اولکهمی اسلام وطننک مستقل فلان بر جزئیدر.
بوندن بر قسمی تورک یوردیدرکه عین زمانده تورانک بر پارچه سیدر؛
دیکر قسمی ده عرب یوردیدرکه بویوک عرب وطننک بر پارچه سیدر.

تورکلرک تورک یوردینی ویاخود تورانی خصوصی بر عشقله
نمسه مهلری نه کوچوک اسلام وطنی اولان (عثمانلی اولکهمی) نی نه ده
بویوک اسلام وطنی اونو تملرینی اقتضا ایتمز .

چونکه ملت مفکوره سی، دولت مفکوره سی، امت مفکوره سی
باشقه باشقه شیلردر وهر اوچی ده مقدسدر .



— ۱۰ —

ملیت مفکوره سی

بعض کنجیلر صور یورلر:

« مادامکه مفکوره لر تاریخی هنکامه لر دن، اجتماعی بحراندن
دوغویور؛ برمدت صوکر باشقه احوال و شرائطک تأثیریه دوغاجق
یکی بر مفکوره نک ملیت سوداسنه خلف اوله سی ملحوظ دکلدر؛
مثلا یاقین ویاخود اوزاق بر استقبالده (سوسالیزم) فکرینک ملیت
دوینوسنه غلبه چالمه سی احتمالی یوقیدر؟ »

بوسواله شويله جواب ويره بيليرم:

— مفكوره، اساساً بر اجتماعي زمره نك، كندى فردلرى طرفدن دويولماسيدر؛ كونشك ضياعى بر عدسه نك محراق نقطه سنده تكائف ايمه دن ياقيجلىق خاصه سنى كوستره مدىكى كې زمره ده غليانلى بر اجتماع حاله كله دن، حائز اولدينى «قدسيت» صفتنى تجلى ايتديره مز.

فقط بو قدسيت شعورلو برشكل آله دن؛ عائد اولدينى زمره نك روحى وحدتنده شعور سز بر صورتده ينه موجوددى . غليانلى اجتماع وظيفه سى يالكز، زمره يى رقيق بر موجوديتدن كشف بر وارلق حاله قويه رق، اوآنه قدر (كئز مخفى) ده كيزلى قالش اولان بو «شأيت Réalité» ى، محاط اولدينى قدسيت هاله سيله برابر، فردلرينه اظهار ايتمكدور .

غليانلى اجتماعلر، آنجق، اولجه «منبسطه بر حالده موجود» اولان بر زمره يى «متكائف بر صورتده موجود» بر حاله كتير مك صورتيله دركه مفكوره نك انكشافه مصدر اولورلر .

مفكوره نك يوقدن وار اوله سى «شعور سز» بر صفحه دن «شعورلو» بر صفحه يه كچمه سى ديمكدور .

عثمانلىق، اسلاملىق، توركلك مفكوره لرى دوغمه دن، عثمانلى دولتى، اسلام امتى، تورك ملتى موجوددى .

آوروپاده، بويوك صنايع عمله يى تكائف ايتديره رك سوسياليزم مفكوره سنى دوغورمه دن اول عماله صنفي داغئق بر صورتده موجود بولونويورلردى .

ديمك كه بر زمره نك، بحرانلى بر دقيقه ده فردلرينك وجداننده «بن وارم!» ديه رك تجلى ايدمه سيلمه سى ايچون خصوصى بر تشكيلات حالنده، بر طاقم مؤسسه ليله برابر، اولجه موجود اوله سى لازمدر . بوتشكيلات، ايسترياسى، ايستردى، ايسترلسانى بر ماهيته بولونسون،

همه حال اولجه موجود اولمالیدر . هر هانکی غلیانی بر اجتماع اورتهیه ماضیسز، نوتشکل برزمره آتاماز . موجود بر تشکیلاته استناد ایتمهین اجتماعلردن یکی بر مفکوره دوغماسی شویله دورسون ، اساساً بویله بر اجتماع وقوعه بیله احتمال یوقدر . چونکه آنجق ابساط حالنده موجود اولان بر شی تکاثف ایده بیلیر .

بو افاده لردن شو نتیجه حقیقور :

— مستقبلده وقوع بولاجق عظام بر اجتماع ، همه حال بو کون موجود اولان اجتماعلردن برینه استناد ایده جکدر ؛ آیده دو غاجق بر مفکوره ، مطلقاً بو کونکی زمره لردن برینک تکاثفدن فیشقیر اچقدر .

اوحالده موجود زمره لر ایچنده تشکیلاتجه اُک زنکین و اُک قوتلی اولقله برابر دیگر زمره لری ده ، تشکیلاتی ایچنده جمع و بلع ایده بیله جک اولان هانکیسی ایسه بویوک مفکوردنک اونک تکاثفدن دوغماسی ضروری اولور .

شیمدی ده ، بو جمع ایدیجی زمره یی آرایالم :

موجود زمره لر ایچنده بو وظیفه یی ایفا ایده بیله جک آنجق لسانی زمره لر ، یعنی ملتدر . چونکه اولاً بر لسانی قونوشانلر ، اکثریتله بر صویدن کلن انسانلر اولدینی ایچون بر مات عینی زمانده بر « قوم » دیمکدر .

لسان وقوم مفهوملری بری برینه اوقدر باغلیدر که بو کون « بشریات » علمنک خار جنده « عرق » دن بحث ایدیلنجه خاطره ایلمک اوکجه آره لرنده لسانجه قرابت بولنان بر (عائله اقوام) کلیر .

(هندو آوروپائیئر) ، (سامیلر) ، (بانتولر) ، (اورال — آلتائیئر) دییه یاد ایدیلن عرقلر قوملردن یعنی لسانی عائله لردن باشقه برشی دکلدر لر . حتی هند و آوروپائیئر آره سنده ، بشریات علمنجه ، (حقیقی عرقلر) ی ارانه ایدن (مستطیل الرأس — قومرال) ، (مستطیل الرأس — اسمر) ، (عریض الرأس — اسمر) اتمودجلرینک هر اوچی ده موجوددر . مثلاً آلمانلر

اکثریتله (مستطیل الرأس - قومرال) ، اسپانیولر و جنوبی آوروپالیر
(مستطیل الرأس - اسمر) ، اسلاولر (عریض الرأس - اسمر)
آنمودجلرینه منسوبدرلر .

بونکله برابر آوروپا ملتلریدن هر هانکیسنی آیرساق یوانمودجلرک
هراوچندن مختلف نسبتده محتوی اولدیغنی کوروروز .

بوصورتده (قوم) تعیرندن (لسان عالمه) نی مرادایدکجه ، (عرق)
کله سندن ده (تشریحی مشاهیرلر عرض ابدن آنمودجلر) ی آکلا یا جغز .
اوحللده قوم غایت اسکی برزمانده (لسانی جماعت) حالتده یاشامش
وصوکره داغیلمش بر ملت دیمک اولور . عرقه کلنجه بوده
مئسوبلری بر محله مجتمعا موجود اولمایان بوتنه ملتله آره سنده
داغیق بولونان تشریحی آنمودجلردن عبارت فالیر . بوکون انتسابله
افتخار ایدیلن (عرق) شهرت تشریحی بر آنمودج دکل ، لسانی و تاریخی
بر زمره اولان (قوم) دره لسانی جماعت ، یعنی ملیت بوزمردنک
بر شعبه سی دکلدر ؟

ثانیاً لسان ، فکرلرک وحسولرک حاملی ، غننه لرک ، عادتلرک ناقلی
اولدیغنی ایچون متکلملرینی عینی اشتیاق و تمایلله ره عینی وجدان
و ذهینته مالک قیلار .

بوصورتله روحلرک مشترک دویغولری متجاس اولان بوفردلرک
عینی دینی قبوله تمایل بولونمالری غایت طبعیدر . بوکاء ذرکه لسانی
زمردلرک اکثریتله عینی دینی قبول ایتدکلرینی کورویوروز . بدایتده
بعض خصوصی سبیلر بودینی محالسته قسماً مانع اولسه یله عینی لسانله
متکلم اولانلرک تدریجاً عینی دینه کیردکلرینی تاریخ زده کوستریور .
مثلا یکی لاینلر قاتولیک ، جرمانلر پروتستان ، اسلاولر اورتودوکس
دینه میل ایتشلردر . اورال - آلتایلردن موغوللر بودیست ، مانچوریلر
قونفوجیوس ، فینو - ارغریه نلر خریستیان اولشلردر ، تورکلر بدایتده

قسم بودیست ، مانی ، موسوی ، خریستیان اولشکن بالاخره اکثریت اسلامی قبول ائمه‌سی اوزرینه ایکوز بیک مقدارنده بولونان شامانی یاقوتلردن باشقه جمله‌سی بودینه کیرمشلردر .

یاقوتلرک اسلامیتدن خارج قالمالری یوردلرینک بورک دنیا سندن اوزاق بر موقعده بولوناسلنددر . بولر ، یاسلامیتی قبول ایدرک تورک قالاچقلا ، یاخود خریستیانلغه کیردرک بوسبتون روسلاشاجقلا در ، بر دینه داخل اولمغه لسانک تأثیری اولدینی کبی بر ملیته کیرمکده دینک تأثیری واردر . وقتيله فرانسه دن قو وولان پروستان فرانسلر آلمانیا به کیده رک جرمانلاشدیلر . اسکی بولغارستانک تورک آریستوقراسیسی خریستیانلغی قبول ایدرک اسلاملاشدیلر . بو کون داغیق بر صورتده مملکتیمزه مهاجرت ایدن بعض غیر تورک مسلمان عنصرلرک دینده کی مشارکتک تأثیريله تورکلشدکیری کور میورمی یز ؟ او حالده لسانی زمره ایله دینی زمره آردسندده صمیمی بر علاقه موجوددر .

ثالثاً « مکلفیت عسکریه » و « حاکمیت ملیه » اصوللری قبول اولوندقد نصکرده (وطن) ک مدافعه‌سی معلم و ممتاز بر سپاهی طائفه سنک ؛ (دولت) اداره‌سی یالکز حکم‌داره فارشی مسؤل بر زمامدارلر صنفک انحصارندن چیقدی . صاباندن باشقه سلاچی اولمایان کویلولرله استراحته آلیشان قصبه لیلر عسکر اولدیلر ؛ اداره حقنده هیچ بر تجربه‌سی بولونمایان خلق حکومتک مراقبی وضعيته کچدی . او حالده بویکی عسکرلری (وطن) محبتيله یتشدیرمک ، بو مراقبه‌جی خلقه انتخاب وظیفه‌سنی اوکرتمک بر ضرورت شکلنی آلدی . بو صورتله خلقک تربیه‌سی ، معارفک تعمیم مسئله‌لری چیقارک تربیه‌نک هانکی لسانده اجرا اولونه‌جی خصوصنده دولته تابع قوملر آردسندده اختلاف ظهورینه سببیت ویردی . دولتلر رسمی لسانی تعمیم ائمه‌یی ، هر قومده کندی لسانی تربیه و تعلیم واسطه‌سی اتحاد ایله‌مه‌یی غایه اولارق ایلری سورمکه باشلادیلر .

۱ بوندن دولاییدر که صوک عصرده کرک (دولت) ک، کرک (وطن) ک
لسانی برزمره استنادی امکانسز کوروله رک آوستریا و مجارستانده
اولدینی کبی لسانی زمره لردن ایکیسنه استناد ایتدیرلدی. بوکون،
آوروپاده، یالکز لسانی زمره لره استناد ایدن (دولت) لرک استقباله
اعتماد ایدیلور، هر لسانی زمره، ملی و طنک هیچ اولمازسه مغوی
حدودینی تعیین ایدرک ناصل بر استقباله حسرتکش اولدینی کوستریوز.
بوکون هر کس یک اعلا آکلیور که عنصر لر آره سندره مشترک اولان
(دولت و وطن) فکرلری عشقسز، وجدسز، مغویاتسز مفهوم لردن
عبارتدر. مشترک معشوقه اوله مادینی کبی مشترک وطن دیورده اولماز.
مشترک بروجده استناد ایتمه یین بر دولت فردلرک مأکلی اولور.
بر ملیتک یوردی اولمایان اولکه، فردلرک قارین دیوراجنی بر عمارت
ماهیتی آبر.

دولت و وطن مؤسسه لری ملی مفکوره یه استناد ایدر سه حیاتلری
ابدیدر. فردلرک استناد ایتدکارلی تقدیرده انقراضه محکومدر.
مفکوره سز فردلر خودکام و منفعتپرست، امیدسز و بدیین، ایمانسز
و قورقاق اولدقلری ایچون «هبا، منشور» حالنده درلر. دولتلر، مطلقا،
ملی مفکوره لره استناد ایتمه لی، و هر وطن بهمه حال بر ملیتک وطنی
اولمالیدر که یاشایه بیلسین...

اولجاده کوربیورز که لسانی زمره عینی زمانده (دولت) و (وطن)
مفهوملری ده محیطدر. عائله، صنف، حرفت اوچاغی، کوی،
عشیرت، دین دائره لری کبی کوچوک زمره لرده هپ ملی زمره نك
جزء لیدر. عائله بر دینه منسوب فردلردن تشکل ایدر. یالکز بر ملیتک
لسانیله قونوشور؛ دیگر زمره لرده، عائله کبی، لسان و دیجه مشترکدرلر.
اولحاله بونلرک جمله سی ملتک خصوصی تشکیلاتلری حکمنده قالیر.
خلاصه، قومه، امته، دولته، وطنه، عائله یه، صنفه، حرفت

اوجاغنه والځ.. منسوب نه قدار مفكوره لر وارسه جمله سی ملی مفكوره نك معاونلریدر . اجتماعي تكامل مادی عامللر یرینه ذهنی وحسی عامللر اقامه ایتدكجه بونلرك تبليغ واسطه سی اولان لسانك قیمت ومؤثریتی كیتدكجه آرتاجق وبوصورتله ملیت دویغوسی ابدی برمفكوره حاله كیردجكدرد .

*
**

واقعا نورکیه ده بویوك صنایع تشکل ایتدكدن صوكره بزده ده سوسیالیزم مفكوره سی دوغاجقدرد . فقط بو، دیگر كوچوك مفكوره لر کبی ملی مفكوره نك برمعاونی موقعنده قاله جقدرد . آوروپا ملتلرنده سوسیالیزم علی الدوام قوتلنمكله برابر اکثریتله محاربه زمانلرنده موقعی ملی مفكوره یه براقدیغی کوروپورز . سیاسی محاربه لردن صرف نظر ، حتی یالکیز اقتصادیات ساحه سنده بیله صنف مفكوره سی ملت مفكوره سنك برتابعیدر .

بوندن باشقه دقتله باقیانجه دین ، اخلاق ، حقوق ، سیاسیات ، اقتصاد ، علم ، کوزل صنعتلر کبی بوتون اجتماعي فعالیتلرک یکانه جوهری لسان اولدیغی کورولور . بو فعالیتلرک قیمت بولماسی لسانك اهمیت کسب ایتمه سی دیمکدر .

لسان ، اجتماعي حیاتك زمینی ، معنویتك نسجی ، حرثك ومدنیتك تمیلدر . اوحالده - هانکی زمره یه وهانکی فعالیتله عائد اولورسه اولسون - استقبالده کی بوتون اجتماعي جریانلر - كرك دوغروندن دوغرویه وكرك دولایسیله - دائماً لسانی زمره یی تكائف ایتدیرهك وهربحراندن مطلقا - داها زنده وداها قوتلی برصورتده - ملیت مفكوره سی فوران ایدمكدر .

✱

اسلام عالمك صوك امیدی اولان عثمانلی دولتی یوز سنه دن بری پارچا لایان معنوی بر میقروپ وار. بو میقروپ شیمییه قدر عثمانلیلک دوشمانی ایدی و اسلامیه بو نوک ضرر لر و ردی. فقط بو کون آرتق اسلامك لهنه دونه رك یادیغی مضر تلی تلافی ایتمک چالشیور. بو میقروپ ملت فکریدر.

اوت! رومانیای، صربستانی، قره طاغی، یونانستانی، بلغارستانی، سیسام و کبرید آطه لر یی طوغوره رق عثمانلیغی هر ربع عصرده انقسامله اوغراناں واک صوکره روم ایلی نك المزدن چیمه سنه سبیت ورن بو مده ش فکریدر، بو فکر مرضی بر میقروپ دکل، اجتماعی بر مایا ایدی. مع التأسف بو کونه قدر ماهیتی آکلایه مادیق. دائماً علیهمزده لسانی، ادبی، اقتصادی، تربیوی، نهایت سیاسی اخبار لر یادی. بزو حیاتی یاراد لشری تنظیملره، تأسیسلره، تشکیللره بیهوده طور درمغه چالشدق. بو عصرک ملت عصری اولدیغی حس ایدمه دک. بو اجتماعی قوتی بر آزده اسلامك، عثمانلیك منفعتده ایستخدام ایتمکی خاطر لایه مدق. نه ایسه اولان اولدی. ملت فکری اسلامیت علیهنده نه یامق ممکنه یادی. آرتق بو سلاحي استعمال ایتمک صره سی اسلام عالمه کلدی.

شیمییه قدر بوتون مسلمانلرده حاکم اولان ذهنیت شوندن عبارتدی: بر یوزنده یالکز بر مشروع دولت وارد که اوده اسلام دولتیدر. بالفعل هانکی حکومتک اداره سی آتنده بولونور لرسه بولونسونلر بوتون مسلمانلرک بالحق متبوعلری آنجق اسلام خلیفه سیدر. فعلی تابعیتلری عارضی و موقت بر حالدر. یاقین بر زمانده بر صاحب ظهور، بر منجی، بر مهدی چیقهرق اونلری بولوث اسارتلردن

قورناره جقدرد. جمعه و بايرام نماز لرنده خليفه نامه او قونان خطبه لر، حج
كونلرنده عرفاتده كي اجتماعنا اجتماعلر سياسي راستبالك ديني مبشر لريدر.
بو ذهنيته، شبهه سزكه همزك قلبي قدسي غلطانلره، علوي وجدلره
طولديران برروحي حالتدر. اگر نظري بر سعادت و درت يوز ميلونلق
بر انسانيتك حياتنه كافي گلش اولسه يدي بو غايه مافي البال بزم ايچون
الويرردي. يوق، بونك يالكسز نظري بر ماهيته قالمالار ق عمل بر موجوديت
اكتساب ايتمه سي الزمه اول بازل بوكه وصول ايچون اقتضايدين تدرج
مرتبه لرني برر برر قطع ايتمه چالشمالي نز.

كورسيورزكه مسلمان قوملر مستقبل بر سعادت اميد وانتظارلره برابر
باشاد قلري مملكتده سافل برسوبده قلمه به راضي اوليورلر، اداريسي
آلنده باشاد قلري حكومتلر و مللر طرفدن ابتدا لسانا و اقتصادا
صوكرده فكر او اخلاقاً مثيل اولومه به موافقت كوستريورلر. بويوك
بر قور تولوش بكلمه ك اتي! لا كين بر طاقم كوچوك، قولاي و تدرجي
قور تولوش يوللري واردركه بونلره موفق اولمدين اوت كينه نائل اولمق
سنة اللهه مغايردر. اوت! عمومي بر مهدي به انتظار ايدهم. فقط قرآن
حكيمك (لكل قوم هاد) بيان معجزى موجبجه محلي و ملي هاديلره،
لساني، تربوي، اقتصادي، اخلاقي نجانلره نيچون اميد وار اولمايهلم.
خرستيان قوملر كه صورته اعتلا واستقلال يوللرينه كيتدكلريني
كوزلر مزله كوردك. بونلر ابتدا لسانلريني ميليشدير مكله ايشه باشلاديلر.
لساني بر استقلال، سياسي راستبالك مشدعه سيدر. بر قوم ملي لسانى
سومكه، ملي ادبياتي بو ملي لسان اوزرنده تأسيس ايتمه باشلا ديني
آنده نجات وعديني آتش ديمكدر.

لساندن صوكرده تاريخ كلير. بر قوم تاريخك اك قديم منبعلرينه
چيقه رق ملي حياتك ايتك انكشاف حمله لرني دويارسه غائب ايتش
اولديني رويي يكيدين بولش اولور. تاريخدن آلديني فيصلره حلقك

درینلکلرندن چیقاردینی افسانه‌لری ، منقبه‌لری مأثوره‌لری علاوه ایتدکدن صوکرده ملی معنوی تمامیه تأسیس ایدر . اوزمان شعر و صنعتک موضوعلرینی ، استعاره‌لرینی ، تلمیح‌لرینی هپ بوملی سانجه‌لردن اقتباس ایده‌لرک ادبیات و بدیعیاتنه شخصیت ویرر .

بوندن صوکرده دینی ، تربیه و اقتصاد کلیر . حرملی برتربیه اولاملی لسان و تاریخه ، صوکرده اقتصادی استقلال اساسلرینه استناد ایدر . و بوتون منوی فیضلرینی دیندن آلیر . نقشبندیلرک مهم بردستوری وارکه (نظر بر قدم) تعبیرنده اجمال ایدلمشدر . بر آدمک (قدم) ی نفرلکده ایسه (نظر) ی مشیرلک اولماملیدر . نفر اون باشی اولمغه چالیشمیلیدر . یعنی (قدم) ینه یاقین بولونمالیدر .


بز ، که جالا مملکتمزده دینزه منسوب بولونان عشرت‌لر آراسنده (غزوه) لره (اغتنام) لره کوزیومیورزه اسلام اتحادینی آرزو ایدی . ویرمکه همان حصوله کلیر ظن ایتک غایت غریبدر . اسلامیت عصیتی (حیت جاهلیه) تعبیریه تقییح ایتمش ونهی ایلمشدر . فقط بوعصیتدن مراد عشرت عصیتیدر که حالا ایچمزده جاریدر . (بنی قحطان) ایله (بنی عدنان) تعبیرلریده بوتقییح ونهیک عشرت‌لره عائد اولدیغنه بر دلیلدیر . دین اسلام یوقاریده ذکر ایتدیکنز آیت کریمهده قومیتی تجویز ایتدیکی کبی آئیده کی آیت کریمه ایلهده آرده تعارف اولمق شرطیه قبیله و شعبله یعنی قوم و ملتله آیرلمه یی تصویب بویورمشدر : سزی شعبله و قبیله حالنده یاراندق که بری بریکزله تعارف ایده سیکز ؛

۱ بوتون مسلمانلرک اوزاق براستقبالده ، سیاسی براتحادلری احتمالکه ممکندر . فقط هر حالده بوغایه‌نک اوزون برمدت امکانشز قاله جغه شبهه یوقدر . او حالده بو اوزون زمان ائساننده اسلام قوملر ملی انتباهلر ، ملی مجاهده‌لره اعتلادن ، هیچ اولمازسه اجتماعی استقلاللرینی محافظه‌دن محرومی قالسینلر .

ملیت سلاحنک بوندن بویه آنجق اسلاملرک لهنده استعمال



ولونه بيله جكنى سويله مشدك . چونكه مليت فكري محكوم بر قومك
محكوميتدن قورتلسي ايچون قوللانيلان بر سلاحدرد . آرتق اسلام
حكومتلرينك اداره سي آلتنده غير مسلم قوملر قالمادي . حال بوكه بوكون
مسلمان قوملرك اكثريسي محكوميت واسارت حالده در . اسلام
قوملر آردسندد ايسه حاكيت و محكوميت قيدرلي اولماديغي ايچون
مليت فكري اسلاملر آردسندد تفرقه چيفارده ماز .

بالعكس مليت فكري قوت بولدجه اسلام امتجيليكي فكري ده
اودر جه دم حرثنه جيكي ايچون موجود و حرثي تقويه و تأييد ايدد جكدرد .



یکی مجموعه نشریاتی

یکی حیات ضیا کونک آلپ بک



70.188